


史記

卅四
傳

					漢書門
				一三〇三	
			一〇〇三		
		三六	四二		
冊架函號類					

庫文閣内			
六二	一三〇三		漢書
函	三〇三		
六二	六三		
架冊號類			

内閣文庫		
番號	漢	1303
冊數	36	(34)
函號	281	35



綴じ部(喉部分)の文字など開きが不鮮明な箇所あり

傳卷第七十四

亦史

百八十七

魏學士中書制誥修撰

東漢翰林承旨

湖廣國文院

勅修

烏古孫良楨

烏古孫良楨字幹卿

世父

傳資器絕人好讀

嘗至治二年蔭補江陰州判官三十內艱服除調婺

州武義縣尹有惠政改漳州路楚官獄有疑者悉平

反之土言律徒者不杖今杖而可徒非恤刑意宜加

徒減杖遂定為令務泉州益以能稱轉延平判官拜

陝西行臺監察御史劾遼陽行必口左丞相達識帖睦

淺草文庫

適賣國不忠接漢高帝斬丁公以事以明人臣大義
 并勅御史中丞胡居祐奸邪皆能之爭外震懾陞都
 亭猶以言不盡行辭去復起為御史良楨以帝
 方覽萬幾不可不求賢自輔於是連既天曆數年間
 紀綱大壞元氣傷夷天祐聖明人膺大統而西宮秉
 政奸臣弄權畜憾十有餘年天威一怒陰晦開明以
 正大名以章大孝此誠兢兢業業祈天永命之秋其
 術在乎敬身修德而已今經筵多領以職事臣數日
 一進講不逾數刻已罷而警御小臣恒侍左右何益

德哉臣願招延儒臣若許衡者數人實於禁密

常以庸虞五代之道宿天宸秉日新其德實萬世無

疆之禍也又以國俗父死則妻其從母兄弟死則叔

其妻父母死無憂制遂亡綱常皆出於天而不可變

議法之吏乃言國人不如此例諸國人各從本俗是

漢南人當守綱常國人諸國人不必守綱常也名曰

優之者則陋之外若尊之則棄侮之推其本心所以

待國人者不若漢南人之厚也請下禮官有司及若

科進士在朝者會議自天子至於庶人皆從禮制以

成列聖未違之典明萬世不易之道又言隱士劉因

道學經術可比許文正公衡從祀孔子廟庭皆不報

御史臺作新風憲復疏其所嘗行者以舉賢本為綱
而以厚風俗均賦役重審理汰冗官選守令出奉使
均公曰為目指越剗切雖觸忌諱亦不顧也宦者罕
矢嬖妾殺其妻糜其肉餽犬上疏乞正重刑并論宦
寺結廷臣流政為害可汰黜之
召為刑部員外郎轉御史臺都事五年改中書左司
都事出為江東道肅政廉訪司副使上官一日辭歸
六年授平江路總管不拜八年被召為右司員外郎
九年陞郎中尋遷廣東道肅政廉訪使未行還為郎
中遷福建道肅政廉訪使中道召還參議中書
無經進官十一年拜治書侍御史陞中書參知政事
同知經筵事十三年陞左丞兼大司農卿仍同知經
筵事時中書參用非人事多異同不得一一如志會
軍餉不給請與右丞恠良哈台主屯田歲入二十萬
石東宮久未建懇懇為言車駕幸上都始册皇太子
立詹事院驛召為副詹事每直端本堂則進正心誠
意之說親君子遠小人之道皇太子嘉納焉當時盜
賊盜起帝聞惡之下詔分討必盡誅而後已良楨言
平賊在收人心以回天意多殺非道也乃赦以安之
十四年遷淮南行省左丞初泰州賊張士誠既降復

元史卷之七十四

發殺淮南行省叅知政事趙璉進擢高郵六合太師
脫脫奉詔總諸王軍南征而良楨泊叅議龔伯璉刑
部主事廬山等從之既平六合垂克高郵會詔罷脫
脫兵柄遂有上變告伯璉等勸脫脫勒兵北向者下
其事逮問詞連良楨簿對無所驗即日還中書左丞
命分省彰德主調軍食居半歲還中書十六年進階
榮祿大夫賜玉帶一十七年除大司農明年陞右丞
兼大司農辭不允論罷陷賊延坐之令有惡少年誣
知宜興州張復通賊之罪中書將籍其孥吏抱按請
署良楨曰手可斷按不可署同列變色卒不署良楨
自左曹登政府多所建白罷福建山東食鹽浙東西
長生牛租瀕海被災園田稅民皆德之嘗論至正格
輕重不倫吏得並緣爲奸舉明律者數人叅酌古今
重定律書書成而罷家居輒訓諸子曰吾無過人者
惟待人以誠人亦以誠遇我汝宜志之晚歲病瘖數
謁告病益侵遂卒自號約齋有詩文奏議凡若干卷
藏于家

賈魯

賈魯字文恒河東高平人幼負志節既長謀畧過人
延祐至治間兩以明經領鄉貢泰定初恩授東平學

儒學教授辟憲史歷行省掾除路城縣尹遷丞相東
曹掾擢戶部主事未上一日覺心悸尋得父書筆勢
顛縮即辭歸比至家父已有風疾未幾卒魯居喪服
闋起為太醫院都事會詔修遼金宋三史召魯為宋
史局官書成遷魯燕南山東道奉使宣撫幕官考績
居最遷中書省檢校官上言十八河倉近歲淪沒官
糧百三十萬斛其弊由富民兼并貧民流亡宜合先
正經界然事體重大非處置盡善不可輕發書累數
萬言切中其弊俄拜監察御史首言御史有討事宜
專達聖聰不宜臺臣先有所可否陞臺都事遷山北

庶訪副使得召為中言考丁十九事至正

四年河決白茅堤又決公堤並河郡邑民居昏墊壯

者流離帝其真之遣使馳驗仍督大臣訪求治河方

畧特命魯行都水監魯循行河道考察地形往復數

千里備得要害為圖上進二策其一議脩築北堤以

制橫潰則用工省其一議疏濬東舉挽河東行使復

故道其功數倍會遷右司郎中議未及竟其在右司

言時政二十一事皆見魯行調都漕運使復以漕事

二十一事言之朝廷取其八事一曰京畿和糴二曰優

恤漕司舊額漕戶三曰接連委官四曰通州總治豫

卷之三十三

定委官五日船戶困於災夫海運壞於規戶六日疏
濬運河七日曰臨清運糧萬戶府當隸漕司八日宣忠
船戶付本司節制事未盡行既而河水北侵安山淪
入運河延袤濟南河間并隰兩漕司鹽場實妨國計
九年太傅右丞相脫脫復相論及河決思拯民艱以
塞詔旨乃集廷臣群議言人人殊魯昌言河必當治
後以前二策進丞相取其後策與魯定議且以其事
屬魯魯固辭丞相曰此事非子不可乃入奏大稱帝
十一年四月命魯以工部尚書總治河防使進秩
品授以銀章領河南北諸路軍民發汴梁大名十

有三路民二十五年廬州等成十有八翼軍二萬供
役一切從事大小軍民官咸稟節度便宜興繕是月
鳩工七月鑿河成八月決水故河九月舟楫通十一
月諸埽諸堤成水土工畢河復故道事見河渠志帝
遣使報祭河伯召魯還京師魯以河平圖獻帝適覽
臺巨奏疏請褒脫脫治河之績次論魯功超拜榮祿
大夫集賢太學士賞賚金帛勅翰林丞旨歐陽玄製
河平碑以旌脫脫勞績具載魯功且宣付史館并贈
魯先臣三世尋拜中書左丞從脫脫平徐州脫脫既
旋師命魯追餘黨分攻濠州同總兵官平章丹可察

完督戰魯誓師曰吾奉旨統八衛漢軍頗兵于濠七
日矣爾諸將同心協力必以今日巳午時取城志然
後食魯上馬麾進抵城下忽頭眩下馬且戒兵馬弗
散病愈亟却樂不肯汗竟卒于軍中年五十七十三
年五月去午也月可察兒躬為治喪選士護柩還高
平有旨賜交鈔五百錠以給葬事子積

還魯善正脩武人性剛介通經術中元曆二年
進士第授翰林國史院編修官拜御史臺塚掌機密
監察御史劾中丞史顯夫 教魯自置於大

前曰中丞素持重不能與人周旋御史以人情劾之
非公論由是皆知其直除太常博士武宗一廟未立
后主配享集羣臣廷議之魯曾抗言先朝以武宗皇
后真哥無子不立其主時伯顏為右丞相以為明宗
之母亦乞列氏可以配享徽政院傳太后旨以文宗
之母唐兀氏可以配享伯顏問魯曾曰先朝既以真
哥皇后無子不為立主今所立者明宗母乎文宗母
乎對曰真哥皇后在武宗朝已膺玉册則為武宗皇
后明宗文宗二母后固為妾也今以無子之故不為
立主以妾后為正宮是為臣而廢先君之后為子而

追封先父之妾於禮不可且燕王垂即位追廢其母
后而立其生母為后以配享先王為萬世笑豈可復
蹈其失乎集賢大學士陳顥素嫉魯曾出口唐太宗
册曹王明之母為后是亦二后也豈不可乎魯曾曰
堯之母為帝嚳庶妃堯立為帝未聞册以為后而
嚳皇上帝為大元天子不法堯舜而法唐太宗邪眾
其議而伯顏趨之遂以真哥皇后配焉復拜監察
史劾答失海牙阿吉刺太尉鞏小珙右丞兀突魯
部尚書吉當普監察御史哈刺完者月魯不花院
呂忠誠郎中

宗憲法餘皆伯顏之黨朝廷肅然除樞密院都事

言前伯顏專殺大臣其黨利其妻女巧誣以罪今大
小官及諸人有罪止坐其身不得籍其妻女郊王為

伯顏孀陷妻流離當雪其無辜給復子孫從之除

刑部員外郎兼辦正橫罹伯顏所誣者遷宗正府郎

中出為遼陽行省左右司郎中除金山北道肅政廉

訪司事入為禮部郎中至正十二年丞相脫脫討徐

州賊以官軍不習水土募瀕海鹽丁為軍乃超遷魯

曾資善大夫淮南宣慰使領征討事遣其募鹽丁五

千人從征徐州平繼使領所部軍討淮東卒於軍

三十三

貢師泰

元史卷一百一十四

貢師泰字泰甫寧國之宣城人父奎以文學名家廷
 祐至治間官京師為集賢直學士卒謚文靖師泰早
 業國子學為諸生泰定四年釋褐出身授從仕郎
 太仆判官丁外艱改徽州路歙縣丞江浙行省辟
 為掾尋以土著自劾去大臣有以其名聞者擢應奉
 翰林文字丁內艱服闋除紹興路總管府推官郡有
 疑獄悉為詳讞而剖決之山陰白洋港有大船飄近
 岸史甲二十人適取鹵海濱見其無主因取其篙楫
 而船中有二死人有徐乙者怪其無物一而有死八孺

為史等所劫史備作富民高丙家事遂連高史既誣

高亦就逮師泰審詢之則里中沈丁載物抵抗而

而漁者張網海中因盜網中魚為漁者所殺史嘗末

嘗殺人奪物高亦弗知情其竟皆白游傲徐裕以巡

擊為名肆暴村落間一日遇諸暨商奪其所負錢撲

殺之投尸於水走告縣曰我獲私鹽犯人要罪赴水

死矣官驗視以有傷疑之遂以疑獄釋師泰追詢覆

案之具得裕所以殺人狀復俾待鞫餘姚孫國賓以

末盜獲姚甲造偽錢度賊而釋之執高乙魯丙赴有

司謹以同造偽高嘗為姚行用實非自造器既合姚

因加罪於高而魯與孫有隙故并連之魯與高未嘗
 相識也師素疑高等與魯不合以孫詰之魯處而情
 見即釋魯而加高以本罪姚遂處死孫亦就法其於
 寬狹詳讞之明多類此以故郡民自以不寬治行為
 諸郡第一考滿復入翰林為應奉預修后妃功臣列
 傳事畢遷宣文閣授經郎歷翰林待制國子司業擢
 禮部郎中再遷吏部拜監察御史自世祖以後省臺
 之職南人斥不用及是始復舊制於是南士復得居
 省臺自師泰始時論以為得人至正十四年除吏部
 侍郎時江淮兵起京師食不足師泰奉命和糴于浙

上郡驛戶凋弊命師泰巡視整飭之至別歷究其
 源原驗其富貧而均其徭役數十郡之民賴以稍蘇
 矣貴以其不利於己深嫉之然莫能有所中傷也會
 劉廷欽仍和糴浙西因除師泰都水庸田使十五年
 為田司罷權江西庶訪副使不行遷福建使庶訪使居
 亡何除禮部尚書時平江缺守廷議難兵人師泰又
 以選為平江路總管其年冬用視事張一誠自高郵
 率衆渡江直抵城下攻圍甚急明年春守將弗能支
 斬關遁去師泰領義兵出戰乃不敵亦懷平設棄城

道匿海濱者久之士誠既納降江浙行省丞相達識
帖睦爾以便宣授師秦兩浙都轉運鹽使至則剔其
積蠹通其利源大課以集國用資之丞復承制除
師秦江浙行省參知政事二年朝延除戶部尚書
俾分部閩中以閩鹽易糧由是道轉運給京師凡為
數數十萬石朝廷相為二十二年召為御史知行至
杭之海寧得疾而卒師秦性侷儻狀貌偉然既以文
字知名而於政事尤長所至績政最著有九喜接引
後進士之賢不問識不識即加禮敬以故士皆翕然
咸歸之有詩文若干卷行于世

周伯琦

周伯琦字伯溫饒州人父應極至大間仁宗為皇大
子召見獻皇元頌為言干武宗以為翰林待制後為
皇太子說書日侍英邸仁宗即位遷集賢待制終他
州路同知總管府事伯琦自幼從宦游京師入國學
為上舍生積分及高等去以蔭授將仕郎南海縣主
簿三轉為翰林修撰年正元年改在奎章閣為宣文閣
藝文監為兼文監伯琦為宣文閣校經郎教戚里大
臣子弟每進講輒稱旨且日被顧問帝以伯琦工書
法命兼宣文閣寶仍題扁宣文閣及摹王羲之所書

蘭亭序智永所書... 文刻石閣中... 是篆轉宮... 宣
文崇文之間而... 祕隆矣帝嘗... 其字伯溫而不
名會御史奏風... 憲宜用近臣... 特命念廣東... 廉訪司事
八年召入為翰... 林待制預修... 石妃坊臣列... 傳累陞直
學士... 十二年有旨... 令南士皆得... 居省臺除伯... 琦兵部
侍郎遂與貢師... 泰同擢監察... 御史兩人皆... 南士之望
一時榮之時御... 史大夫也先... 帖木兒以大... 軍南討而
失律喪師陝西... 行臺監察御... 史劉希曾等... 十人共劾
奏之... 琦乃劾希曾... 等越分下譽... 希曾等皆坐... 左遷
補郡判官由是... 不為公論所... 與十三年遷... 崇文大夫

經筵官代祀天... 妃丁內艱... 十四年起... 復為江東... 廉訪使長槍... 鎖南班陷寧... 國伯琦與僚... 佐倉皇出
見之尋遁走至... 杭州除兵部... 尚書未行改... 浙西肅政
廉訪使江南行... 臺監察御史... 余觀糾言伯... 琦失陷寧
國宜正其罪十... 七年江浙行... 省丞相達識... 帖睦爾承
制假伯琦參知... 政事招諭平... 江張士誠士... 誠既降江
南行臺監察御... 史亦辯釋伯... 琦罪除同知... 太常禮儀
院事士誠留之... 未行拜資政... 大夫江浙行... 省左丞於
留平江者十餘... 年士誠既滅... 伯琦乃得歸... 鄱陽尋
琦儀觀溫雅粹... 然如玉雖遭... 時多艱而善... 於自

保博學工文章而尤以篆隸真草擅名當時嘗著六
言正譌說文字原二言又有詩文藁若干卷

吳當

吳當字伯尚澄之孫也當幼承祖訓以穎悟篤實稱
長精通經史百家言侍其祖至京補國子生久之澄
既捐館四方學子從澄遊者悉就當卒業焉至正五
年以父文蔭授萬億四庫昭磨未上用薦者改國子
助教勤講解嚴肄習諸生皆樂從之會詔修遼金宋
三史當預編纂書成除翰林修撰七年遷國子博士
明年陞監丞十年陞司業明年遷翰林待制又明年

改禮部員外郎十三年擢監察御史尋復為國子

業明年遷禮部郎中又明年除翰林直學士時江南

兵起且五年大臣有薦當世居江西習知江西民俗

且其才可任政事者詔特授江西肅政廉訪使借江

西行省叅政火你赤兵部尚書黃昭招捕江西諸郡

便宜行事嘗以朝廷兵力不給既受命至江南即召

募民兵由瀾入閩至江西境建昌界招安新城孫塔

擒殄李三道路既通乃進攻南豐源峯即天瑞道鄭

原自刎死十六年調檢校章迪率本部兵與黃昭夾

攻撫州勦殺首寇胡志學進兵復崇仁宜黃於是

撫兩郡悉定是時叅知政事朵歹總兵撫襄陽年無
功因忌當屢奏現在已上又以為南人不宜兼兵
遂為飛語謂當與黃昭皆與寇通有旨詳二入兵部
除當撫州路總管昭臨江路總管並供億平章火你
赤軍火你赤殺當從事官范溥及宣迪將士皆憤怒
不平當諭之曰上命不可違也而火你赤又上章言
二人者難任牧民尋有旨當與昭皆罷總管除名十
八年火你赤自瑞州還龍興當昭皆隨軍不敢去先
是當與昭平賊功狀自廣東由海道未達京師而朵
歹火你赤等公牘乃先至故朝廷責當昭皆左遷及
得當昭功狀乃始知其誣詔拜當中奉大夫江西行
省叅知政事昭湖廣行省叅知政事命未下而陳友
諒已陷江西諸郡火你赤燹城遁當乃戴黃冠著道
士服杜門不出日以著書為事友諒遣人辟之當卧
床不食以死自誓乃昇床載之舟送江州拘留一年
終不為屈遂隱居廬陵吉水之谷坪逾年以疾卒年
六十五所著書有周禮纂言及學言彙

傳卷第七十五

元史一百八十八

翰林學士中大夫知制誥兼中書平章事宋濂翰林待制嘉善衛國公濬編修官壽禧等奉
勅

董搏霄 弟昂霄

董搏霄字孟起 涿州人由國子生陟陝西行臺掾時
天大旱從侍御史郭貞讞獄華陰縣有李謀兒累殺
商賈于道為賊十五年至百餘事事竟獄已具賄賂
有司謂徒黨未盡獲五年不決人皆以為憤搏霄知
之以言于貞即以尸諸市中天乃大雨授四川肅政
憲訪司知事除涇陽縣尹入為戶部主事陞貞然郎

兵監察御史又出僉遼東肅政廉訪司事歷江西行
省左右司郎中遷浙東宣慰副使其歷官所至往往
廷寬獄革弊政才譽益著稱于時至正十一年除齊
江路總管奉旨從江浙平章教化征進安豐兵至合
肥定林站遇賊大破之時朱臯固始賊復猖獗軍少
不足以分討有大山民砦及芍陂屯田軍搏霄皆莫
勇而約束之遂得障蔽朱臯我軍屯朱家寺賊至追
之入進士程明仲往諭賊中招徠者千二百家
因悉知其虛實夜縛浮橋於淝水既渡賊始覺賊表
萬據礮南我軍渡者輒為其所敗搏霄乃麾騎士

別渡淺灘襲賊後賊回東南向與騎士迎敵搏霄自忽

躍馬渡礮揚言於眾曰賊已敗諸軍皆渡一鼓而擊
之賊大敗亟追殺之相藉以死者二十五區遂復安
豐十二年有旨命搏霄攻濠州又命移軍授江南遂
渡江至湖州德清縣而徽饒賊已陷杭州教化問搏
霄計搏霄曰賊皆野人見杭城子女玉帛非平日所
有必縱慾不暇為備宜急攻之今欲退保湖州設使
賊乘銳直趨京口則江南不可為矣教化猶豫未決
而諸將亦難其行搏霄正色曰江浙相若方面既陷
於賊今可取而不取誰任其咎復按劍顧諸將曰諸

君荷國厚恩而臨難苟免余相尹在是敢有慢令者
 斬計乃決遂進兵杭城賊迎敵至鹽橋搏霄麾壯士
 突前斬殺數級而諸軍相繼夾擊于之凡七戰追殺至
 清河坊賊奔接待寺塞其門而焚之賊皆死遂復杭
 州已而餘杭武康德清次第以平搏霄亦受代去徽
 饒賊復自昱嶺闖寇於潛行省乃假搏霄為參知政
 事併復提兵討之搏霄曰必欲除殘去暴所不敢辭
 若假以重爵則不敢受即日引兵至臨安新溪是為
 入杭要路既分兵守之而始進兵至叫口及虎檻遇
 賊皆大破之追殺至於潛遂復其縣治既又克復

化州及昱嶺關降賊將潘大齋二千人賊又有犯

秋關者搏霄還軍守於潛而賊兵大至焚倚郭廬舍
 搏霄按軍不動左右請出兵搏霄曰未也遣人執白
 旗登山望賊約曰賊以我為怯必少憚伺其有間則
 麾所執旗又伏兵城外皆授以火礮復約曰見旗動
 礮即發已而旗動礮發兵乃盡出斬首數千級遂復
 千秋關未幾賊復攻獨松百文幽嶺三關搏霄乃先
 以兵守多溪多溪三關要路也既又分為三軍一出
 獨松一出百文一出幽嶺然後會兵擣賊莫遂乘勝
 復安吉七戰而克之賊將以其徒來降者數百人既

數日賊復來窺獨於博霄即以兵守苦嶺及黃沙嶺
 賊帥梅元來降且言復有帥十一人欲降者即遣偏
 將余思忌至賊砦諭之賊皆入暗室潛議思忌持火
 投入室內拔劍語衆曰元帥命我來活汝汝復何議
 已而火起焚其砦叱賊黨散去而引賊帥來降明日
 進兵廣德克之有斬賊與饒池諸賊復犯徽州賊中
 有道士能作十二里霧搏霄以兵擊之已而妖霧開
 豁諸伏兵皆起藤賊兵後賊大潰亂斬首數萬級擒
 十餘人獲道士焚其妖書而斬之遂平徽州十四年
 除水軍都萬戶俄陞樞密院判官從丞相脫脫征

郵分戍鹽城興化賊巢在大縱德勝兩湖間凡十有

二悉勦平之即其地築芙蓉砦賊入輒迷故道盡
 之自是不復敢犯賊恃習水渡淮北據安東州搏霄
 招善水戰者五百人與賊戰安東之大湖大敗之遂
 復安東十六年勦平北沙廟灣沙浦等砦尋進兵泗
 州不利賊乘勝東下斷我軍糧道乃回軍屯北沙糧
 且絕與賊死戰凡七晝夜賊敗走奪賊船七十餘乃
 得渡淮保泗州時方暑雨湖水溢諸營皆浸去而搏
 霄獨守孤城賊環繞數十里攻之搏霄坐城上遣偏
 將以騎士由四門突出賊後約曰旗一麾即還既而

旗動騎士還步卒自城中出來擊之賊大敗然賊皆
猶阻西行之路乃結陣而往翊以奇兵轉戰數十合
軍始得三海寧朝廷嘉其功陞同僉淮南行樞密院
事擢霄建議于朝曰淮安為南北襟喉江淮要衝之
地其地一失兩淮皆不易復也則救援淮安誠為急
務為今日計莫若於黃河上下并瀕淮海之地及南
自沐陽北抵沂莒贛州諸州縣布連珠營每三十里
設一總砦就三十里中又設一小砦使斥埃烽燧相
望而巡邏往來遇賊則并力野戰無事則屯守而
然後進有援退有守此善戰者所以常為不一

付敵之可勝也又海寧一境不通舟楫軍糧惟可陸
運而凡瀕淮海之地人民屢經盜賊宜加存撫權令
軍人搬運其陸運之方每人行十步三十六人可行
一里三百六十人可行一十里三千六百人可行一
百里每人負米四斗以夾布囊盛之用印封識人不
急肩米不著地排列成行日行五百回計路二十八
里輕行一十四里重行一十四里日可運米二百万
毋運給米一升可供二萬人此百里一日運糧之術
也又江淮流移之民并安東海寧沐陽贛榆等州縣
俱廢其民壯者既為軍老弱無所依歸者且設置

民防禦司擇軍官材堪教守者使居其職而藉其民以屯故地於是練兵積穀且耕且戰內全山東完國之邦外禦淮海出沒之寇而後恢復可圖也十七年

貴臨益都般陽等處有旨命博霄從知樞密院事

下蘭吳討之而濟南又告急博霄乃提兵援濟南賊衆自南山來攻濟南望之兩山皆赤博霄接兵城中先以數十騎挑之賊衆悉來鬪騎兵必卻至礮上伏

兵起遂合戰城中兵又大出大破之而般陽賊復約泰安之黨踰南山來襲濟南博霄列兵城上弗為動

賊夜攻南門獨以矢石禦之黎明乃默開東門出城後既旦城上兵皆下大開南門合擊之賊敗走

復追殺之賊衆悉無遺者於是濟南始寧詔就陸淮南行樞密院副使兼山東宣慰使都元帥仍賜上尊

金帶楮幣名馬以勞之有疾其功者諧於總兵太尉紐的該令博霄依前詔從下蘭奚同征益都博霄即

出濟南城屬老且病請以其弟昂霄代領其衆朝廷從之授昂霄淮南行樞密院判官未幾有旨命博霄

守河間之長蘆十八年博霄以兵北行且曰我去濟南必不可保既而濟南果陷博霄方駐兵南皮縣之

魏家莊適有使者奉詔拜博霄河南行省右丞甫拜

命毛貴兵已至而營壘猶未完諸將謂搏霄曰賊至當如何搏霄曰我受命至此當以死報國耳因拔劍督兵以戰而賊衆突至搏霄前摔而問曰汝爲誰搏霄曰我董老爺也衆刺殺之無血惟見其有白氣衝天是日昂霄亦死之事聞贈宣忠守正保節功臣榮祿大夫河南行省平章政事柱國追封魏國公謚忠定昂霄則推誠孝節功臣嘉議大夫禮部尚書上輕車都尉追封隴西郡侯謚忠毅搏霄早以儒生起家輕軀爲能吏會天下大亂乃復以武功自奮其才略有大過人者而當時用之不能盡其才君子惜之

劉哈刺不花

劉哈刺不花其先江西人倜儻好義不事家產有古俠士風居燕趙有年遂爲探馬赤軍戶至正十二年頗亮盜起朝廷以太不花爲河南行省平章政事總兵討之哈刺不花上書陳十事其七言兵機及攻守方略太不花大喜即辟爲掾史未幾奏除左右司都事太不花以哈刺不花爲探馬赤亦有督力善騎射得統前八翼軍爲先鋒將領歸令信賞罰士皆樂爲之用而料敵成敗所向無失是時卷夫八都魯軍潰于長葛收集散卒復屯中哈刺不花軍於汴梁南

彭子岡有自長葛來者言賊已為賊所敗及中
牟春刺不花曰賊既持兵必至我不可不往援遂
整兵而前既而有使馳報曰賊從蒲川渡河未
知其所向哈刺不化曰是必襲谷失八都魯營耳我
行已緩不及事不若以騎斷賊歸路覆之必矣於
是領軍徐行天未明伏兵歸路賊果襲谷失八都
魯營大掠輜重而回哈刺不花伏軍四起賊大敗盡
俘獲之當是時谷失八都魯雖以平章政事總大兵
而哈刺不花功名與之相埒十七年山東毛貴率其
賊眾由河間趨直沽遂犯鄆州至棗林已而略柳林

通鑑綱目 樞密副使 達國 珙 戰死 京師 人心 大駭 在廷

之臣或勸乘輿北巡以避之或勸遷都關陝眾議紛
然獨左丞相太平執不可哈刺不花時為同知樞密
院事奉詔以兵拒之與之戰于柳林大捷貴眾悉潰
退走據濟南京師遂安哈刺不花之功居多哈刺不
花後遷河南行省平章政事以卒初哈刺不花與信
州人倪璣字孟晰同事泰不花為掾璣海濱書吏精
文墨機識警敏泰不花深愛任之言無不從而哈刺
不花或有所論白多沮不行由是心銜泰不花及泰
不花事敗走詣哈刺不花求援而哈刺不花不能曲

為保全乃縛秦不花送京師致之死地君子以是出之

王英

王英字邦傑益都人性剛果有大節膂力絕人善騎射囊父職為莒州翼千戶父子皆善用雙刀人歸之曰刀王至元二十年江西行樞密院命帥師討雄討賊丘太老賊六百餘人突至英與戰殺其渠帥劉把東獲九十餘人元貞元年從左丞董士選討大山賊劉貴擒之二年討永新安福二州賊餘黨皆息延祐二年寧都賊起行省命英率各萬一軍討之賊勢

甚張英屢戰皆勝斬獲不可勝數積屍盈野水為不流行省平章李進安追英遊江浙平章張閻所領軍於閩境至木麻坑論賊蔡五九又追賊至上虎嶂遇賊三千餘人盡殲之至治元年以大臣薦授忠武校尉益都淄萊萬戶府副千戶天曆元年授宣武將軍至順二年行省命英招捕桂陽州賊張思進等二千入英至布以威信皆相率請降元統元年授懷遠大將軍同知海北海南道宣慰使司事至元二年萬安軍賊吳汝期等作亂聚眾三千人英至賊皆就擒未幾李志甫起漳州劉虎仔起潮州詔命江西行省右

卷之五十五 七

丞燕姑木兒討之方
 徽里謂僚佐曰是雖
 雖老其可坐視乎據
 平英功居多至正中
 不謂其子弘曰我世
 受國恩美官厚祿備嘗享之今
 若矣縱不能事戎馬
 以報天子尚忍食異姓之粟以
 求生乎水漿不入口
 者數日遂卒毛貴聞之使吳
 衾以葬將斂舉其尸
 不動焚香祝曰公子弘請公
 先座祝畢尸遂起
 觀者莫不驚異山東宣慰使
 不花及憲司請卹典于朝有
 三不食冠而六節

泉有夷齊之風為臣之清者也
 其泉谷名莫所居也

石抹宜孫

邁里古思

石抹宜孫字申之其先遼之迪
 烈人五世祖曰也
 先事太祖為御史大夫自有
 也先之曾孫曰繼祖
 字伯善襲父職為沿海七副
 萬戶初以沿海軍分鎮
 台州皇慶元年又移鎮葵
 處兩州軍嚴肅平寧都
 寇有戰功且明達政事講
 究鹽策多合時宜為學本
 於經術而無通名法縱橫
 天文地理術數方技釋老
 之說見稱薦紳間宜孫其
 子也宜孫性警敏嗜學問

於言務博覽而長於詩歌嘗借嫡弟厚孫蔭襲父職
為沿海上司萬戶守處州及弟長即讓其職還之退
居台甯至正十一年方國珍起海上海浙行省檄宜
孫守温州宜孫即起任其事其年閩寇犯處州復檄
宜孫以兵平之以功陞浙東宣慰副使分府于台州
頃之處之屬縣山寇並起宜孫復奉省檄往討之至
則築處州城為禦敵計十七年江浙行省左丞相達
識燾陞適承制陞宜孫行樞密院判官總制處州分
院治于處又以江浙儒學副提舉劉基為兵院經歷
蕭山縣尹蘇友龍為照磨而宜孫又辟郡人胡深葉

等謀其軍事更為郡山谷聯絡盜賊憑據
轉竊發不易平治宜孫用基等謀或擣以兵或
計未幾皆殲殄無遺類尋陞同僉行樞密院事
之將天下已多暇所仕守將合自為計相保守於
浙東則宜孫在處州適里古志在紹興為壽自十

年六月甲寅漢且遷葬而宜孫
事莫重於后親食祿一而不
而一不處是無親也無二石
而親率精金為之殿

三妻與

明兵南渡即敗績而三妻時經略使李國鳳三浙京
制拜宣孫江浙行省參知政事階中奉太六明年
明兵入慶州宜孫將如十騎主之福建境上欲圖
而前至人心已散事一不可復會何嘆曰慶州三所守
也今吾身已窮無所次往不知還慶州境死亦為
州鬼耳既還至慶之宜元縣云何亂兵所害事聞朝
贈推誠宣力勳節功口集賢士八學士榮祿大夫也
國進封越國公蓋忠愍邁里古思者寧夏人也嘗
歸至正十四年進士授紹興錄事司達魯花赤

主將楊完者在杭縱其軍剽掠莫敢誰何民
言之俄有至紹興城中強奪人馬者邁里古思擒斬

其人苗軍乃懼不敢復至其境邁里古思名聲遂大

大會江南行臺移治紹興徽滿里古思為行臺鎮撫

大募民兵為守禦計處州山賊焚掠婺之永康東

防邁里古思提兵往擊之與石抹宜孫約期夾攻其

乘元山賊以平提江東廉訪司應廉仍留紹興以兵

治時浙東西郡縣多殘廢邁里古思等經

六境內是民愛之如父母江時者臣乃奉制殺行

在密院判官分院治紹興金方

... 國珍本海賊... 既降為大官而復... 言民可乎欲率兵往問罪... 廷方倚重國珍賢其所以... 御史大夫... 與國珍素通賄賂... 且生事... 命左右以鉄鏈... 擲則國中城中民間... 不問男女老幼無不... 乃率其眾復... 拜住哥家人及臺府官員... 獨留拜住哥不殺以告于張... 兵守紹興拜住哥... 遷行宣政院... 為甚宜稽諸彝典實于嚴刑於... 是詔削拜住哥官職... 安置潮州而邁里古思之冤始白

傳卷第七十五

翰林學士中大夫趙詒魯國史臣宋濂翰林待制袁嘉言劉詒魯國史編修王禕等奉
勅修

儒學一

前代史傳皆為儒林以文經者斯道之文則無以發之文哉由是元興百年上

以儒學之六分而為二以經藝顯門者重名家者為文苑然儒之為學一也六所在而文則所以尊夫道者也故經非明其旨趣而文不本於六藝又焉足謂而言經藝文章不可分而為二也明矣
朝廷內外名宦之臣下及山林布衣

之士以通經
復為之分別
者合而錄之

能文顯著當世者
而取其尤卓然
為儒學傳

而彬焉眾矣今皆不
成名可以誦教傳後

趙復字仁甫

德安人也太宗乙

未歲命太子出帥

師伐宋德安

以善逆戰其民數

十萬皆俘戮無遺時

揚惟中行中

言省軍前姚樞奉

詔即軍中求儒道釋

醫卜士凡儒

士掛俘籍者輒脫

之以歸復在其中樞

與之言信奇

士以九族俱殘不

欲北因與樞訣樞

其自裁留帳

即共宿既覺月色

皓然惟寢衣在

馬周號積屍

無有也行及水

際則見寢衣在

則子孫或可

以傳緒百世隨吾

而北必可無他復強

從之先是南

北道絕載籍不相

通至是復以所記程

朱所著諸經

得註盡錄以付樞

自復至燕學子從者

百餘人世祖

仁潛邸嘗召見問

曰我欲取宋卿可導

之手對曰宋

言父母國也未有

引他人以伐吾父母

者世祖悅因

不強之仕惟中間

復論議始嗜其學乃

與樞謀建太

極書院立周子祠

以二程張楊游朱六

君子配食選

取遺書八千餘卷

請復講授其中復以

周程而後其

言廣博學者未能

貫通乃原義農亮舜

所以繼天立極孔子顏孟所以垂世立教周程張朱
氏所以發明紹續者作傳道圖而以書目條列于后
別著伊洛發源以標其宗旨朱子門人散在四方則
以見諸登載與得諸傳聞者共五十有三又作師友圖
以寓私淑之志又取伊尹顏淵言行作希賢錄使學
者知所嚮慕然後求端用力之方備矣樞既遠隱蘇
門乃即復傳其學由是許衡郝經劉因皆得其書而
尊信之北方知有程朱之學自復始復為人樂易而
耿介雖居不忘故土與人交尤篤分誼元好問
名擅一時其南歸也復贈之言以博溺心未喪本為

以自修讀易求文王孔子之用心為勉其愛人以德
類若此復家江漢之上以江漢自號學者稱之曰江
漢先生

張璠字達善其先蜀之導江人蜀亡僑寓江左金華
王栢得朱熹三傳之學嘗講道於台之上蔡書院復
從而受業焉自六經語孟傳註以及周程張氏之微
言朱子所嘗論定者靡不潛心玩索究其根柢用功
既專久而不懈所學益弘深微密南北之士鮮能及
之至元中行臺中丞吳曼慶聞其名延致江寧學官
俾子弟受業中州士大夫欲淑子弟以生小子四書者

皆遣從遊或問私塾迎之其在維揚者尤衆
遠近翕然尊為碩師不敢字呼而稱曰江先生夫
臣薦諸朝特命為師孔顏孟三氏教授鄒魯之人服誦
遺訓久而不忘頌氣字端重音吐洪亮講說特精詳
子弟從之者誦誦如也其高第弟子知名者甚多夾
谷之奇楊剛中尤顯無子有經說及文集行世吳
澄序其書以為論正援據博貫穿縱橫儼然新安
朱氏之尺祝也至正中真州守臣以聖及郝經吳澄
皆嘗留儀真作詞字祀之三三賢祠

錢武肅王嫌名耳為金氏履祥從曾祖曰京文當宋建

炎紹興間以孝行著稱其父母疾齋禱二十天而靈應
隨至事聞于朝改所居鄉曰純孝履祥幼而敏睿
父兄稍授之書即能記誦比長益自策勵凡天文地
形禮樂田乘兵謀陰陽律曆之書靡不用研究及壯知
向濂洛之學事同郡王相從登何基之門基則學于
黃幹而幹親承朱熹之傳者也自是講學益密造詣
益邃時宋之國事已不可為履祥遂絕立忌進取然負
其經濟之畧亦未忍遽忘斯世也會襄以笑之師曰悉
宋人坐視而不敢救履祥因進牽制擣三壘之策請以

重兵由海道直趨燕薊則襄樊之師將不攻而自解
且備叙海船所經九州郡縣邑下至巨洋別鳴難易
近近歷歷可據以行矣終莫能用及後宋瑄張清獻
海運之利而所由海道視履祥先所上書恐及無異
者然後人服其精確祐初以迪功郎立館編校起
之辭弗就宋將攻物所在盜起履祥屏居金華山中
兵燹稍息則上下巖谷追逐雲月寄情嘯咏視世故
泊如也平居獨處終日儼然至與物接則盎然和憚
訓迪後學諄切無倦而尤篤於分義有故人子坐事
母子分配為隸不相知者十年履祥傾貲營購卒贖

以完其子後履祥終不自言初見勞問辛苦而已
何基王栻之喪履祥率其同門之士以義制服觀者
始知師弟子之繫於常倫也履祥嘗謂司馬文正公
光作資治通鑑秘書丞劉恕為外紀以記前事不本
於經而信百家之說是非謬於聖人不足以傳信自
帝堯以前不經夫子所定固野而難質夫子因魯史
以作春秋王朝列國之事非有玉帛之使則魯史亦
得而書非聖人筆削之所加也况左氏所記或闕或
誣凡此類皆不得以辟經為辭乃用邵氏皇極經世
曆胡氏皇王大紀之例損益折衷一以尚書為主兩

及詩禮春秋旁探舊史諸子表年繫事斷自唐堯以
下接于通鑑之前勒為一書二十卷名曰通鑑前編
凡所引書輒加訓釋以裁正其義多儒先所未發既
成以授門人許謙曰二帝三王之盛其微言懿行宜
後王所當法戰國申商之術其苛法亂政亦後王所
當戒則是編不可以不著也他所著書曰大學章句
疏義二卷論語孟子集註考證十七卷書表注四卷
謙為益加校定皆傳于學者天曆初廉訪使鄭允中
表上其書于朝初履祥既見王栢首問為學之方栢
言以必先立志且舉先儒之言居敬以持其志

定其本志立乎事物之表敬行乎事物之內此

學之大方也及見何基基謂之曰曾之屢言賢者之

賢理欲之分便當自今始會之蓋栢字也當時議者

以為基之清介純實似尹和靜栢之高明剛正似謝

上蔡履祥則親得之二氏而並充於己者也履祥居

仁山之下學者因稱爲仁山先生大德中卒元統初

置人具師道爲國子博士移書學官祠履祥于鄉學

至正中賜謚文安

許謙字在之其先京兆太光世祖

八世祖仲容太子洗馬仲容之子

元史卷一百一十五

建壽宋刑部尚書

曰洗曰洞洞由進

士起家以文章政事知名于時流之子寔事海陵胡
璣能以師法終始者也由平江徙婺之金華至謙五
世為金華人父觥登淳祐七年進士第仕未顯以歿
謙生數歲而孤甫能言世母陶氏口授孝經論語入
耳輒不忘稍長肆力於學立程以自課取四部書分
晝夜讀之雖疾恙不廢既乃受業金履祥之門履祥
語之曰士之為學若五味之在和醯醬既加則酸醎
頓異子來見我已三日而猶夫人也豈吾之學無以
感發子耶聞之惕然居數年盡得其所傳之奧於
書無不讀探聖微雖殘文羨語皆不敢忽有不一
通則不敢強於先儒之說有所未安亦不苟同也讀

四書章句集註有叢說二十卷謂學者曰學以聖人
為準的然必得聖人之心而後可學聖人之事聖賢
之心具在四書而四書之義備於未子預其辭約意
廣讀者安可以易心求之乎讀時集傳有名物鈔八
卷正其音釋攷其名物度數以補先儒之未備仍存
其逸義旁采遠援而以己意終之讀書集傳有叢說
六卷其觀史有治忽幾微微史家年經國緯之法起
本韓氏迄宋元祐元年秋九月尚書左僕射司馬光
卒備其世數總其年歲原其興亡著其善惡蓋以為

光卒則中國之治不可復興誠理點
續經而書孔子卒之義以致其意焉
之所為夜必書之其不可書者則不
文地理典章制度食貨刑法字學音
說亦靡不該貫旁而釋老之言亦洞
者孰不曰闢異端苟不深探其隱而
辨其同異別其是非也幾希又嘗句
春秋三傳於其宏綱要領錯簡衍文
墨意有所明則表而見之其後吳師
點校儀禮視讌所定不同者十有三

之幾也故附於
又有自省編書
為也其他若天
韻醫經衍數之
究其蘊嘗謂學
識其所以然能
讀九經傳注及
悉別以鉛黃史
道賸得用五也
條而已讒不十

於露所為文非狀異經義張維世
之書也延祐初謙居東陽八華山學
開門講學遠而幽莫齊魯近而荆揚
舍來受業焉其教人也至誠諄悉內
有知使人亦知之豈不快哉或有所
自達則為之言其所欲言而解其所
日不倦攝其粗疎入於密微聞者方
出愈真切情者符之銳者抑之拘者
及問之士著錄者千餘人隨其材分
不以科舉之文授人曰此義利之所

教則未嘗輕筆
者翕然從之尋
吳越皆不憚百
外殫盡嘗曰已
阻難而詞不能
惑討論講貫終
傾耳聽受而其
開之放者約之
歲有所得然獨
由分也讒篤於

孝友有絕人之行其處世不膠於古不流於俗不出
里閭者四十守四方之士以不及門為恥縉紳先生
之過其鄉邦者必即其家存問焉或訪以典禮政事
謹觀其會通而為之折衷聞者無不厭服大德中癸
亥入南斗句已而行謙以為災在吳楚竊深憂之是
歲大侵謙貌如瘠或問曰豈食不足邪謙曰今公私
匱竭道殣相望吾能獨飽邪其疚心蓋如此廉訪使
劉庭直副使趙宏偉皆中州雅望於謙深加推服論
薦于朝中外名臣列其行義者章數十上而部
復以遺逸應詔卿閣大比請司其文衡皆莫能改至
其晚節猶以身任正學之重遠近學者以其身之
否為斯道之隆替焉至元三年卒年六十八嘗以白
雲山人自號世稱為白雲先生朝廷賜謚文懿先是
何基王栢及金履祥歿其學猶未大顯至謙而其道
益著故學者推原統緒以為朱熹之世適江浙行中
書省為請于朝建四賢書院以奉祠事而列于學官同
郡朱震亨字彥脩謙之高第弟子也其清脩苦節絕
類古篤行之士所至人多化之

陳櫟字壽翁微之休寧人櫟生三歲祖母吳氏授
孝經論語輒成誦五歲入小學即涉獵經史七歲通

進士業十五鄉人皆師之宋亡科舉廢櫟慨然發憤
致力於聖人之學涵濡玩索貫穿古今嘗以講有功
於聖門者莫若朱熹氏熹沒未久而諸家之說徃徃
亂其本真乃著四書發明書傳纂疏禮記集義等書
亡慮數十萬言凡諸儒之說有畔於朱氏者刊而去
之其微辭隱義則引而伸之而其所未備者復爲說
以補其闕於是朱熹之說大明於世延祐初詔以科
舉取士櫟不欲就試有司強之試鄉闈中選遂不復
赴禮部教授於家不出門戶者數十年性孝友尤剛
正日用之間動中禮法與人交不以勢合不以利

善誘學者諄諄不倦臨川吳澄嘗稱櫟有功於宋

爲多凡江東人來受業於澄者盡遣而歸櫟櫟所居
堂曰定宇學者因以定宇先生稱之元統二年卒年
八十三揭傒斯誌其墓乃與吳澄並稱曰澄居遺都
大邑又數登用于朝天下學者四面而歸之故其道
遠而章尊而明櫟居萬山間與木石俱而足跡未嘗
出鄉里故其學必待其書之行天下乃能知之及其
行也亦莫之禦是可謂豪傑之士矣世以爲知言
胡一桂字庭芳徽州婺源人父方平一桂生而穎悟
好讀書尤精於易初饒州德興沈貴寶受易於董夢

程夢程受朱熹之易於黃榦而一桂之父方平及從
 貴寶夢程學嘗著易學啓蒙通釋一桂之學出於方
 平得朱熹氏源委之正宋景定甲子一桂年十八遂
 領鄉薦試禮部不第退而講學遠近師之號雙湖先
 生所著書有周易本義附錄纂疏本義啓蒙翼傳朱
 子詩傳附錄纂疏十七史纂並行于世其同郡胡炳
 文字仲虎亦以易名家作易本義通釋而於朱熹所
 著四書用力尤深餘干饒魯之學本出於朱熹而其
 為說多與熹抵牾炳文深正其非作四書通凡辭異
 而理同者合而一之辭同而指異者析而一之往往
 發其未盡之蘊東南學者因其所自號稱雲峰先生
 炳文嘗用薦者署明經書院山長再調蘭溪州學正
 黃澤字楚望其先長安人唐末舒藝知賓州內江縣
 卒葬焉子孫遂為賓州人宋初延節為大理評事兼
 監察御史累贈金紫光祿大夫澤十一世祖也五世
 祖拂與二兄播揆同年登進士第蜀人榮之父儀可
 累舉不第隨兄驥子官九江蜀亂不能歸因家焉澤
 生有異質慨然以明經學道為志好為苦思屢以成
 疾疾止復思久之知有所見作顏淵仰高鑽堅論蜀
 又治經必先古注疏澤於名物度數考覈精密而義

理一宗程朱作易春秋一經解三禮祭祀述畧大德
中江西行省相臣聞其名授江州景星書院山長使
食其祿以施教又為山長於洪之東湖書院受學者
益衆始澤嘗夢見夫子以為適然既而屢夢見之最
後乃夢夫子手授所較六經字畫如新由是深有感
發始悟所解經多徇舊說為非是乃卒思古吟十章
極言聖人德容之盛上達於文王周公統蒲即歸閉
門授徒以養親不復言仕嘗以為去聖久遠經籍殘
闕傳注家率多傳會近世儒者又各以才識求之故
議論雖多而經旨愈晦必積誠研精有所悟入然後
可以窺見聖人之本真乃揭六經中疑義千有餘條
以示學者既乃盡悟失傳之旨自言每於幽閒寂寞
顛沛流離疾病無聊之際得之及其久也則豁然無
不貫通自天地定位人物未生已前沿而下之九遠
古之初萬化之原載籍所不能具者皆昭若發蒙如
示諸掌然後由伏羲神農五帝三王以及春秋傳注之
皆若身在其間而目擊其事者於是易春秋傳注之
失詩書未決之疑周禮非聖人書之謗九數十年苦
思而未通者皆渙然冰釋各就條理故於易以明象
為先以因養子之言上求文王周公之意為主而莫

元人傳卷二十一

機括則盡在十翼作十翼要忘象辨象畧辨同論
於春秋以明書法為主其大要則在考覈三傳以求
向上之功而脉絡盡在左傳作三傳義例考筆削本
旨又作元年春王正月辯諸侯娶女立子通考魯隱
公不書即位義殷周諸侯禘祫考周廟太廟肆祭合
食說作立甲辯九如是者十餘通以明古今禮俗不
同見虛辭說經之無益嘗言學者必悟經旨廢失之
由然後聖人本意可見若易象與春秋書法廢失大
畧相似苟通其一則可觸機而悟矣又懼學者得於
割聞不復致思故所著多引而不發乃作易學濫觴

氏深而未完王肅明而實淺作禮以復古正言如王
肅混郊丘廢五天帝併崑崙神州為一趙伯循言王
者諦其始祖之所自出以始祖配之而不及群廟之
主胡宏家學不信周禮以社為祭地之類皆引經以
證其非其辨釋諸經要旨則有六經補注該採百家
異義則取於彼不當言而言之義作翼經罪言近代
言思之學推澤為第一吳澄嘗觀甘書以為平生所
見明經士未有能及之者謂人曰能言距楊墨者聖
人之徒也楚望真其人乎然澤雅自慎重未嘗輕與

人言李洞使過九江請北面稱弟子受一經且將經
 紀其家澤謝曰以君之才何經不可明然亦不遺筆
 授其義而已若余則於艱苦之際亦能有見吾未邵
 子不敢以二十年冰下期君也洞歎息而去或問澤
 自閔如此寧無不傳之懼澤曰聖經與廢上關天運
 乎味為區區人力所致耶澤家甚寧貧且年老不復
 能教授經歲大侵家人采木實草根以療飢晏然曾
 不動其意惟聖人之心不明而經學失傳若已有
 案為大戚至正六年卒年八十五其書存于世者十
 二三門人惟胡安趙汝為高第得其春秋之學為

蕭寧字惟斗其先北海人父仕秦中遂為奉元人
 性至孝自為兒時翹楚不凡稍出為府史上官語不
 合即引退讀書南山者三十年製一革衣由身半以
 下及卧輒倚其榻玩誦不少置於是博極羣書天文
 地理律曆算數靡不研究侯均謂元有天下一百年惟
 蕭惟斗為識字人學者及其門受業者甚眾嘗出遇
 一婦人夫金釵道旁疑其拾之謂曰殊無他人獨翁
 居後耳辨令隨至門取家釵以償其婦後得所遺釵
 愧謝還之婦人有自城中暮歸者遇寇欲加害詭言
 我蕭先生也寇驚愕釋去世祖分藩在秦辟野與楊

六五傳卷之三十一
五

恭懿韓擇侍秦邸以疾辭授陝西儒學提舉不赴
省憲大臣印其家具宴為賀使一從史先詣對舍對
方汲水灌園從吏至不知其為對也使飲其馬即應
之不拒及冠帶迎賓從史見對有懼色對殊不為意
後累授集賢直學士國子司業改集賢侍讀學士皆
不赴大德十一年拜太子右諭德疾病至京師入覲
東宮書酒器為獻以朝廷時尚酒故也尋以病力請
去職人間其故則曰在禮東宮東面師傳西面此禮
不可行乎俄除集賢學士國子祭酒依前古諭德疾
固辭而歸卒年七十八賜諡貞敏對制行甚高其
履實踐與教人必自小學始為文辭立意精深言必

而指遠一以洙泗為本濓洛考亭為據關輔之士翕
然宗之稱為一代醇儒所著有三禮說小學標題駁
論九州志及勤齋文集行于世韓擇者字從善亦奉
元人天資超異信道不惑其教學者雖中歲以後亦
必使自小學等書始或疑為陵節勤苦則曰人不知
學占首童心且童蒙所當知而皓首不知可乎擇尤
邃禮學有質問者口講指畫無倦容士大夫游宦過
秦中必往見擇莫不虛往而實歸焉世祖嘗召之赴
京察不果行其卒也門人為服縗麻者百餘人侯均

元史卷之三十一
六

者字伯仁亦奉元人父母蚤亡獨與繼母居賣薪以
給奉養積學四十年羣經百氏無不淹貫旁通釋老
外典每讀書必熟讀乃已嘗言人讀書不至乎偏終
已無益故其答諸生所問窮索極探如取諸篋笥
名振關中學者宗之用薦者起為太常博士後以上
疏忤時相意不待報可即歸休田里均貌魁梧而氣
剛正人多嚴憚之及其應接之際則和易款洽雖方言
古語世所未曉者莫不隨問而答世咸服其博聞
同恕字寬甫其先太原人五世祖遷秦中遂為奉元
人祖昇父八繼先博學能文無所不宣無夾右碑

家世業儒同居二百口無間言恕安靜端凝
如成人從鄉先生學日記數千言年十三以書經
鄉校至元間朝廷始分六部選名士為吏屬關陝以
恕貢禮書辭不行仁宗踐阼即其家拜國子司業
儒林郎使三召不起陝西行臺侍御史趙世延請即
奉元置魯齋書院山書奉恕領教事制可之先後來
學者殆千數延祐設科再主鄉試人服其公六年以
奉議大夫太子左營書召入見東宮賜酒慰問繼而
獻書歷陳古誼盡開悟涵養之道明年春英宗繼統
以疾歸致和元年拜集賢侍讀學士以老疾辭恕之

元史卷之二十一

學由程朱上達孔孟務貫夾衷理以利於行教入曲
為開導使得趣向之正性整潔平居雖大暑不去冠
帶其妻夫入卒事其母如事所生父喪哀毀致目疾
時祀齋肅謹至嘗曰養生有不備事猶可復遠有
不誠是誣神也可違罪乎與人交雖外無適莫而中
有繩尺里人借驛而死償其直不受曰物之數也何
以償為家無儋石之儲而聚書數萬卷扁所居曰渠
巷時蕭軒居南山下亦以道高當世入城府必主怨
家士論稱之曰蕭同怨自京還家居十三年締紳望
家若景星麟鳳鄉里稱焉先生而不姓至順二年

年七十八制贈翰林直學士封京兆郡侯謚文貞其
所著曰渠菴集三十卷怨弟子第五居仁字士安幼
師蕭軒弱冠從怨受學博通經史躬率子弟致力農
畝而學徒滿門其宏度雅量能容人所不能容嘗行
田間遇有竊其桑者居仁輒避之鄉里高其行義率
多化服作字必楷整遊其門者不惟學明而行加修
焉卒之日門人相與議易名之禮私謚之曰靜安先
生

安熙字敬仲真定藁城人祖滔父松皆以學行淑其
鄉人熙既承其家學及聞保定劉因之學心向慕焉

熙家與因所居相去數百里因亦聞熙力於為己之學深許與之熙方將造其門而因已歿乃從因門人烏叔備問其緒說蓋自因得宋儒朱熹之書即尊信力行之故其教人必尊朱氏然因之為人高明堅勇其進莫過熙則簡覲和易務為下學之功其告先聖文有曰追憶舊聞卒究前業灑掃應對謹行信言餘力學文窮理盡性循循有序發軔聖途以存諸心以行諸已以及於物以化於鄉其用功平實切密可謂善學朱氏者熙遭時承平不屑仕進家居教授垂數十年四方之來學者多所成就既歿鄉人為立祠於藁城之西筦鎮其門人蘇天爵為輯其遺文而應集序之曰使熙得具劉氏廓之以高明厲之以奮發則劉氏之學當益昌大於時矣

勅修
義學喜奕知制誥復國史更宋瀟翰林待制承直郎同知
義國之院編修官喜福等奉

儒學二

胡長孺字汲仲婺州永康人當唐之季其先自天台
來徙宋南渡後以進士科發身者十人壽節介符先
後相望曾祖棗欽州司法叅軍脫畧豪雋輕貲急施
人以鄭莊稱之祖巖起嘉定甲戌進士知福州閩縣
事卓行危論奇文瑰句端平嘉定間士大夫皆自以
為不可及其在江西幕府平贛州之難於指顧之頃

全活數十萬人父居仁淳祐丁未進
士知台州宣州
事文辭政事亦絕出於四方至長孺
其學益大振九
經諸史下逮百氏名墨縱橫旁行敷
落待令章程無
不包羅而揆序之咸淳中外舅徐道
隆為荆湖四川

宣撫參議官長孺從之入蜀銓試第
一名授迪功郎

監重慶府酒務儀用制置使朱禔孫
之辟兼總領湖

廣軍馬錢糧所僉廳與高彭李湜梅
應春等號南中

八士已而復拜福寧州倅之命會宋
亡退棲永康山

元至元二十五年詔下求賢有司強
起之至京師待

詔集賢院既而召見內殿拜集賢脩
撰其官名不

合改教授揚州元貞元年移建昌通
長

孺攝之程文海方貴顯其家氣燄薰
灼即違法人不

敢呵問其樹外門侵官道長孺亟命
撤之至大元年

轉台州路寧海縣主簿階將仕佐郎
大德丁未瀾東

大侵戍申復無夢民相枕死宣慰同
知脫歡察議行

振荒之令斂富人錢一百五十萬給
之至縣以餘錢

二十五萬屬長孺藏去乃行旁州長
孺察其有乾沒

意悉散於民間月再至索其錢長孺
抱成案進曰錢

在是矣脫歡察怒曰汝膽如山耶何
所受命而敢無

忌若比長孺曰民一日不食當有死
者誠不及以聞

然官書具在可徵也脫歡察雖怒不敢問縣有銅巖
 惡少年狙伺其間恒出鈔道為過官意三不能禁長
 齋偽衣商人服令蒼頭負貨以從陰戒驅卒十人躡
 其後長孺至巖中人突出要之長孺言還辭以謝驪
 卒俄集皆成擒俾盡通其黨實於法夜行無虞民荷
 溺器糞田偶觸軍卒衣卒扶傷民且碎器而去竟不
 知主各民來訴長孺陽辨其誣械于市俾左臺潛偵
 之向扶者過焉戟手稱快執詰所隸杖而償其器羣
 怨聚浮屠庵誦佛書為禳祈一媪失其衣適長孺出
 鄰媪訟之長孺以牟麥實羣媪念中命繞佛誦書

盜衣者行數周來盜當身一媪屢開掌視長孺指縛之
 還所竊衣長孺白一守帥府歸吏言有姦事屢問弗伏
 者長孺曰此易易爾夜伏吏察下黎明出姦者訊之
 辭愈堅長孺詳謂一長曰頗聞國家有詔蓋迎之吃
 隸卒縛姦者東西一空縣而出庭無一人姦者相謂
 曰事至此死亦無一不行將自解矣語畢案下吏嚙而
 出姦者驚咸叩頭一服罪永嘉民有第質珠步搖於兄
 者贖焉兄妻愛之一詔以亡於盜屢訟不獲直往告長
 孺長孺曰爾非吾一以比之去未幾治盜長孺族盜

誣兄受步搖為贓。遂兄赴官，力辨數第，置長孺曰：「爾家信有是，何謂誣而耶？」兄倉皇曰：「有固存之，乃第所贖者，趨持至，驗之呼其弟，弟曰：『得非爾家物乎？』弟曰：『然遂歸焉，其行事多類此。』」不能盡載。延祐元年，轉兩副都轉運鹽使司長，山場鹽司丞階將仕郎未止，以病辭不復仕。隱杭之虎林山，以終。長孺初師青田，余學古亭古師王夢松，亦青田人，傳龍泉葉味道之法。夫道則朱喜第一子也，淵源既正，長益行四方，訪求其一二，始信經書用敬為最切。然解觀超然自

子自許唯恐斯道之失其傳，誘引不倦。一時學者

之有，如飢渴之於食，飲方嶽大臣與郡二千石，騁致庠序，數繹經義，環聽者數百人，長孺而言人，雖最靈與物同產，初無二本，皆躍躍然興起，至有大息者，為辭章有精魄，金春王撞壺發其和平之音，海內來求者如購拱璧，碑版焜煌照耀，四裔苟非其人，雖一金易一字，毅然不與，鄉闈取士，屢司文衡，實實幾華文風，為之一變。晚寓武林，病喘上氣者頗久，一旦具酒食，與比鄰別云：「將返故鄉，門人有識其微意者，問曰：『先生精神不衰，何心為遽欲觀虎乎？』長孺曰：『精神真死。』」

生初無祖涉也就宿殺至夜半端忽止其子駒排戶視之則正衣冠坐逝今年七十五所著書有瓦缶編南昌集寧海漫抄顏淵齋藁行于世其從兄之綱之純皆以經術文學名之綱字仍仲嘗被薦書其於聲音字畫之說自言獨以定其妙惜其書不傳之純字稔仲咸淳甲戌進士踐已如古獨行者文尤明潔可誦又稱之爲三胡云

熊朋來字與可豫立甲人宋咸淳甲戌登進士第第四人授從仕郎寧慶州府簽書判官廳公事未上而宋亡世祖初得江南盡水索之遺士而用之元重進士以

故相留夢炎爲尚書召甲戌狀元王龍澤爲江南行

臺監察御史朋來龍澤榜下進士五聲名不在龍澤

下然不肯表襮苟進隱處州里間生徒受學于者常有

數十人取朱子小學書提其要領以示之學者家傳

其書幾遍天下豫章爲江西會府行中書省提刑按

察司皆在焉凡居是官者多朝廷名公卿皆以賓禮

延見廉希憲之子惇爲叅知政事以師禮事朋來終

身稱曰又劉宣爲提刑按察使尤加禮敬朋來和而

不肆分而不狃與羣賢講論經義無虛日儒者咸向

以爲重焉會朝廷遣治書侍御史王構銓外選于江

三於是參政徐瑛李世安列薦朋來為閩海提舉儒
 子官使者報聞而朝廷以東南儒學之士唯福建處
 最盛特起朋來連為兩郡教授所至考古篆籀文
 字調律呂協歌詩以興雅樂制器定辭必則古式等
 者化焉既滿考以常格調建安縣主簿不赴晚以福
 清州判官致仕朋來視之漠如也四方學者因其所
 自號稱為天慵先生每燕居鼓瑟而歌以自樂嘗者
 瑟賦二篇學者爭傳誦之門人歸之者日盛旁近舍
 皆滿至不能容朋來懇懇為說經旨文義老益不
 得其所指授者多為聞人延祐初詔以進士科取
時科舉廢已久有司咸不知其典故以不稱謂
 懼行省官主其事者詰問於朋來動中執度因以由
 請四方得遵用之及請為考試官則曰應試者十九
 及吾門不可其後江湖湖廣皆卑詞致禮請為主文
 朋來屢往應之及對大廷其所選士居天下三之一
 焉初朋來以周禮首薦鄉郡而元制周官不與設科
 治戴記者又鮮朋來屢以為言蓋朋來之學諸經中
 三禮尤深是以當世言禮學者咸推宗之至治中英
 宗始采用古禮親御宏冕祠太廟銳意於制禮作樂
 之事翰林學士元明善颺言于朝以朋來為薦未及

召而卒年七十八朋來動止有常喜怒不形於色接
賓客入人各自以得其意有家集三十卷其大者明
乎禮樂之事關於世教其餘若天文地理方技各物
度數靡不精究子太古鄉貢進士

戴表元字帥初一字曾伯慶元奉化州人七歲學古
詩文多奇語稍長從里師習詞賦輒棄不肯為咸淳
中入太學以三舍法陞內舍生既而試禮部第十人
登進士乙科教授建寧府後遷臨安教授行戶部掌
故皆不就大德八年表元年已六十餘執政者薦于

胡起家拜信州教授再調教授婺州以疾辭初表元

起斯文為已任時四明王應麟天台舒岳祥並以文
學師表一代表元皆從而受業焉故其學博而肆其
文清深雅潔化陳腐為神奇蓄而始發問事摹畫而
隅角不露施於人者多尤自秘重不妄許與至元大
德間東南以文章名家名重一時者唯表元而已其
門人最知名者曰袁掄掄之文其體裁議論一取法
於表元者也表元晚年翰林集賢以脩撰傳士二職
論薦而老疾不可起年六十七卒有剡源集行于世
當表元時有四明任士林者亦以文章知名云

卒應龍字伯成其先蜀人後徙居
 贈光祿大夫謚清忠父嶽為大理
 過入日記數千言文章有渾厚之
 補京官盡讓諸從弟而擢咸淳進
 國自擬伊周謂焉廷鷹曰君故與
 之當趣以高第應龍拒之不見及
 外之情通國勢危急之狀考官
 州之應龍曰昔吾祖對策以直言
 洪雅人固當爾無媿也沿海制
 辭不仕而宋亡矣故相留蓋炎事
 世祖為文

以書招之曰苟至翰林可得也應龍不答已而起
 教授溧陽州晚以上元縣主簿致仕初宋亡時大理
 鄉已退不仕專一門父子自為師友討論經學以義
 理相切磨於諸經皆有成說惟五經音攷盛行於世
 應龍為文長於敘事時人求其文者車轍交於門以
 文章大家稱於東南人儼之為眉山蘇氏父子而學
 者因應龍所自號稱之曰隆山先生泰定元年卒年
 七十八

鄭滌孫字景歐處州人宋景定間登進士第知溫州
 樂清縣累歷宗正丞禮部郎官至元三十年有以滌

孫名薦者世祖召見授集賢直學士尋陞侍講學士
又陞學士乞致仕歸田里第陶孫字景濬亦登進士
第監西嶽祠先陶孫徵至闕奏對稱旨授翰林國史
院編脩官會纂脩國史至宋德祐元年事陶孫曰臣
嘗仕宋宋是年亡義不忍書書之
祖嘉之陸應奉翰林文字後
孫兄弟在當時最號博洽儒學之士翕然推之陸福
宮以其兄弟前朝士乃與交親賜人以為異遇焉滌
孫所著有太易法象通考周易記玩學書陶孫有文
集若干卷

陳孚字剛中台州臨海人幼清峻穎悟讀書過目輒

誦書過目輒

成誦終身不忘至元中孚以布衣上大一統賦江浙
行省為轉聞于朝署上蔡書院山長考滿謁選京師
二十九年世祖命梁魯以吏部尚書無使安南還南
士為介朝臣薦孚博學有氣節調翰林國史院編脩
官攝禮部郎中為會副陸辭賜五品服佩金符以行
三十年正月至安南世子陳日煇以厚制不出郊遣
陪臣來迎又不由陽明中門入會與孚面館致書詰
日煇以不庭之罪且責日煇當出郊迎諍及壽新朝
尚右之禮往復三書宣布天子威德辭直氣壯皆孚

筆也其所贈字悉邵之詩見梁曾傳中使還除翰林
待制兼國史院編脩官帝方欲寘之亞地而廷臣以
字南人且尚氣頗嫉忌之遂除建德路總管府治中
再遷治中衢州所至多著善政秩滿復請為鄆郡特
授奉直大夫台州路總管府治中大德七年詔遣奉
使宣撫循行諸道時台州旱民饑道殣相望江湖行
省檄浙東元帥脫歡察兒發粟賑濟而脫歡察兒情
勢立威不卹民隱驅脅有司動真重刑乎曰使吾民
日至等死不救者脫歡察兒也遂詣官撫使懇其不
法蠹民事一十九條宣撫使按實坐其罪命有司也

發倉有賜民糶以登活者衆而乎亦以此致疾卒

家年六十四字天材過人性任俠不羈其為詩文大
抵任意即成不事雕斲有文集行于世子遵江漸行
省左右司員外郎致仕女長嫗適嘉城董士楷太常
禮儀院太祝守緝之母也末嫗適同里韓戒之行樞
密院經歷諫之母也俱有貞節朝廷旌表其門閭倣
州馮子誠其豪俊與乎略同乎極敬畏之自以為不
可及子操於天下之書無所不記當其為文也清醇
耳熟命符文二三人潤筆以俟子振撥衆疾言隨送
數家須刻輒盡雖事於曠部美矣
法度

未免卑刺人亦以此少之

董朴字太初順德人自幼強記比冠

道濟幡然有求道之志至元十六年

薦起家為陝西知法官未幾以親老

史院主事復辭不赴皇慶初林年已

林脩撰致仕延祐三年無疾而終年

為學自六經及孔孟微言與廷先儒

者莫不研極其旨而會通之故其心

融貫之妙其事親孝與人交智愚

有犯之者夷然不與之校中山

既深充養交至其為人清而通和而介君子人也朴

家近龍岡學者因稱之曰龍岡先生云

楊載字仲弘其先居建之浦城後徙杭因為杭人少

孤博涉羣書為文有跌宕氣年四十六仕戶部賈國

英數薦于朝以布衣召為翰林國史院編脩官與脩

武宗實錄調管領係官海船萬戶府照磨兼提控案

牘延祐初仁宗以科目取士載首應詔遂登進士第

授承務郎饒州路同知浮梁州事遷儒林郎寧國路

總管府推官以卒初吳興趙孟頫在翰林得載所為

文極推重之由是載之文名隱然動京師凡所撰述

師事樂舜客劉

用提刑按察使

歸養尋召為太

監太子詔以翰

林有五朴所

所以開端闡幽

所以自得往往有

賤一待以誠

朴之學造

也

人多傳誦之其文章一以氣為主博而敏直而不肆
自成一家言而於詩文尤有法嘗語學者曰詩當取
材於漢魏而音節則以唐爲宗自其詩出一洗宋季
之陋建康之上元有楊剛中字志行自幼厲志操及
爲江東憲府照磨風采凜凜有足稱者其爲文奇奧
簡澁動法古人而不屑爲世俗平凡語元明善極嘆
異之仕至翰林待制而卒有霜月集行于世其甥李
桓字晉冲同郡人由鄉貢進士累遷江淝儒學副提
舉亦以文鳴江東紆餘豐潤學者多傳之載與剛中
同輩行而桓則稍後云

登誥字桂翁吉安之廬陵人性穎悟幼失父知

立年十二作爲科場律賦論策之文蔚然有老成氣
象宋之遺老鉅公一見即以斯文之任期之既冠重
厚醇雅素以師道自居教學者有法聲譽日隆江南
行御史臺屢以教官館職遺逸薦皆不報誥爲文根
柢六經駢蹠諸子百家融液今古而不露其蹕厲風
發之狀四方來文者日至于門其所爲詩文曰桂隱
集桂隱誥所號也至正十年卒年八十三同郡龍仁
夫字觀復劉岳申字高仲其文學皆與誥齊各有集
行世而仁夫之文尤奇逸流麗所著周易多發前儒之

之所未發岳申用薦者為遼陽儒學副提舉仁夫江
湖德學副提舉皆不就

韓性字明善紹興人其先家安陽宋司徒兼侍中魏

忠獻王琦其八世祖高祖左司郎中膺冒扈從南

渡家于越性天資警敏七歲讀書數行俱下日記萬

言九歲通小戴禮作大義操筆文意蒼古老生

宿學皆稱異焉及長博綜羣籍自經史至諸子百氏

靡不極其津涯究其根柢而於儒先性理之說尤

造其闢域其為文辭博達雋偉變化不測自成一

言四方學士受業其門戶外之屢至無所容延祐

貢舉悉本守憲私議為貢舉之文不知朱氏之學可

乎四書六經千載不得之學自程氏至朱氏發明無

餘蘊矣顧行何如耳有德者必有言施之場屋直其

末事豈有他法哉凡經其口授指畫不為甚高論而

義理自勝不期文之工而不能不工以應有司之求

亦未始不合其繩尺也士有一善必為之延譽不已

及辨析是非則毅然不可犯之色性出無與焉僕

紳所遇負者息不行有遊道巷夫街叟至於童穉廝

皆咸稱之曰韓先生韓先生云憲府嘗舉為教官謝

韓先生云憲府嘗舉為教官謝

三幸者先之二弊處
行無愧古人足矣
愈自難得然其嘗忘
青秀未遠無任空訪
參天下中道也足以
南臺監察御史小舉
六卒後南臺御史中
言得益朝廷賜諡嘉
詩音釋一卷書辨疑
性時慶元有程端禮

可成風雨薄曰可具鐘粥讀書
祿性非所願也受而不赴暮年
情於斯世郡之良二千石政事
性從容開導洞中肯綮祥益者
陸名上聞後十年門人李齊為
其行義而性已卒矣年七十有
參月魯不花掌學於性言性法
節先生其所著有禮記說四卷
一卷郡志八卷文集十二卷當
端學兄弟者端禮字敬叔幼穎
謂六經曉析大義慶元自

皆尊尚陸九淵氏之
禮獨從史蒙鄉游以
門甚衆所著有讀書
為學者式仕為衢州
字時叔遠春秋登亞
改國子助教動有師
之還太常傳其命未
書所著有春秋本義
或問十卷

傳朱氏明體適用之指學者及
工程國子監以頒示郡邑校官
路儒學教授卒年七十五端學
治辛酉進士第授德居縣丞尋
法學者以其剛嚴方正成嚴悖
下而卒後以子徐責贈禮部尚
三十卷三傳辨疑二十卷春秋

三師道字正傳婺州
蘭溪人自蜀北知學即善記覽
二詞章本思漏益發
為歌詩清麗俊逸弱冠因讀宋
儒真德秀遺書乃幡
然有志於為已之學到李沔
司長身益嘗以持敬
致和之說奠于同郡許義家後
之以理一分殊之旨
由是心志益廣造履益深大抵
在發揮義理而以
闢異端為先務登至治元年進
第授高郵縣丞明
達文法吏不敢欺再調寧國
府事會歲大旱飢民
御食于官者三十三萬口
勸大家得粟三萬七
千六百石以賑飢民又言于
使者轉輸於朝得粟
萬石鈔三萬八千四百

之三十餘萬人賴以存活遷池州建德縣尹郡學有
田七百畝為豪民所占郡下其事建德俾師道究治
之即為按其圖籍悉以歸於學建德素少茶而推稅
尤重民以為病即為極言于所司權稅為減中書左
丞呂夙誠侍御史孔思立列薦之召為國子助教尋
陞博士其為教一本朱熹之旨而遵許衡之成法六
館諸生人人自以為得師丁內憂而歸以奉議大夫
禮部郎中致仕終于家所著有易詩書雜說春秋胡
傳附辨戰國策杖註敬鄉錄及文集二十卷師道同
郡又有王餘慶字叔善仕為江南行臺監察御史亦

以儒學名重當世云


陸文圭字子方江陰人幼而穎悟讀書過目成誦終身不忘博通經史百家及天文地理律曆醫藥算數之學宋咸淳初文圭年十八以春秋中鄉選宋亡隱居城東學者稱之曰增東先生延祐設科有司強之就試凡一再中鄉舉文圭爲文融會經傳縱橫變化莫測其涯際東南學者皆宗師之朝廷數遣使馳幣聘之以老疾不果行卒年八十五文圭爲人剛明超邁以奇氣自負於地理考覈甚詳凡天下郡縣沿革人物土產悉能默記如指諸掌先屬續一日語門人曰以數考之吾州二十年後必有兵變慘於五代建炎吾必當葬不食之地勿封勿樹使人不知吾墓庶無暴骨之患其後江陰之亂冢墓盡發人乃服其先知有增東類彙二十卷文圭同里有梁益者字友直其先福州人博洽經史而工於文辭其教人以變化氣質爲先務學徒不遠千里從之自文圭旣卒漸以西稱學術醇正爲世師表者惟益而已益所著書有三山藁詩緒餘史傳姓氏纂又有詩傳旁通發揮朱熹氏之學爲精年五十六卒

周仁榮字本心台州臨海人父敬孫宋太學生初金

華王栢以朱熹之學主台之上蔡書院敬孫與同郡
揚珏陳天瑞卓若水黃超然朱致中薛松年師事之
受性理之旨敬孫嘗著易象占尚書補遺春秋類例
仁榮承其家學又師珏天瑞治易禮春秋而王爲文
章用薦者署美化書院山長美化在處州萬山中人
鮮知學仁榮舉行鄉飲酒禮士俗爲變後辟江淞行
省掾史省臣皆呼先生不以吏遇之泰定初召拜國
子博士遷翰林脩撰陞集賢待制奉旨代祀嶽瀆至
會稽以疾作不復還朝卒年六十有一其所教弟子
多爲名人而泰不華實爲進士第一其弟仔肩字本

道以春秋登延祐五年進士第終奉議大夫惠州
總管府判官與其兄俱以文學名仁榮同郡有孟嘉
恂者字長文黃巖人與仁榮同師事楊珏陳天瑞
恂講解經旨體認精切務見行事四方游從者皆服
焉部使者薦其行義署本郡學錄至正十三年以設
策禦寇抹鄉郡有功授登仕郎常州路宜興州判官
未受命而卒年七十四朝廷賜謚號曰康靖先生所
著有性理本旨四書辨疑漢唐會要七政疑解及筆
海雜錄五十卷

陳旅字衆仲興化莆田人先世素以儒學稱旅幼孤



資稟穎異其外大父趙氏學有源委撫而教之旅得
所依不以生業爲務惟篤志於學於書無所不讀稍
長負笈至溫陵從鄉先生傅古直游聲名日著用薦
者爲閩海儒學官適御史中丞馬雍古祖常使泉南
一見竒之謂旅曰子館閣器也胡爲留滯于此因相
勉遊京師旣至翰林侍講學士虞集見其所爲文慨
然歎曰此所謂我老將休付子斯文者矣卽延至館
中朝夕以道義學問相講習自謂得旅之助爲多與
祖常交口游譽於諸公間咸以爲旅博學多聞宜居
師範之選中書平章政事趙世延又力薦之除國子
助教居三年考滿諸生不忍其去請于朝再任焉元
統二年出爲江州儒學副提舉至元四年入爲應奉
翰林文字至正元年遷國子監丞階文林郎又二年
卒年五十有六旅於文自先秦以來至唐宋諸大家
無所不究故其文典雅峻潔必求合於古作者不徒
以徇世好而已有文集十四卷旅平生於師友之義
尤篤每感虞集爲知己其在淞江時集歸田已數載
且大比請于行省叅知政事字木魯狎親奉書幣
請集主文鄉闈欲爲問候計乃衝冒炎暑千里訪集
于臨川集感其來留旬日而別惓惓以斯文相勉慤

然若將永訣焉集每與學者語必以旅爲平生益友也一日夢旅舉杯相向曰旅甚思公亦知公之不忘旅也但不得見爾旣而聞旅卒集深悼之同時有程文陳繹曾者皆名士文字以文徽州人仕至禮部員外郎作文明潔而精深集亦多稱之繹曾字伯敷處州人爲人雖口吃而精敏異常諸經註疏多能成誦文辭汪洋浩博其氣燁如也官至國子助教論者謂二人皆與旅相伯仲云

李孝光字季和温州樂清人少博學篤志復古隱居鴈蕩山五峯下四方之士遠來授學名譽日聞泰不華以師事之南行臺監察御史閻鼎厚薦爲居節閣至正七年詔徵隱士以祕書監著作即召與完者圖執禮哈琅董立同應詔赴京師見帝于宣文閣進孝經圖說帝大悅賜上尊明年陞文林郎祕書監丞卒于官年五十三孝光以文章負名當世其文一取法古人而不趨世尚非先秦兩漢語弗以措辭有文集二十卷

宇文公諒字子貞其先成都人父挺祖徙吳興今爲吳興人公諒通經史百氏言弱冠有操行嘉興富民延爲子弟師夜將半聞有叩門者問之乃一婦人公

諒厲聲叱去之翌日即以他事辭歸終不告以其故
 至順四年登進士第授徽州路同知婺源州事丁內
 艱改同知餘姚州事夏不雨公諒出檣輒應歲以有
 年民頌之以為別駕兩攝會稽縣申明冤滯所活者
 衆省檄察實松江海塗田公諒以潮汐不常後必貽
 患請一槩免科省臣從之遷高郵府推官未幾除國
 子助教日與諸生辨析諸經六館之士資其陶甄者
 往往出為名臣調應奉翰林文字同知制誥兼國史
 院編脩官以病得告後召為國子監丞除江制儒學
 提舉改食嶺南廉訪司事以疾請老公諒平居黜暗
 室必正衣冠端坐嘗挾手記一冊識其編首曰晝有
 所為莫則書之其不可書即不敢為天地鬼神實聞
 斯言其檢餘之嚴如此所著述有折桂集觀光集辟
 水集以齋詩藁玉堂漫藁越中行藁凡若干卷門人
 私謚曰純節先生

伯顏一名師聖字宗道哈刺魯氏繇軍籍蒙古萬戶
 府世居開州濮陽縣伯顏生三歲常以指畫地或三
 或六者為卦者六歲從里儒授孝經論語即成誦蚤
 喪父其兄曲出買經傳等書以資之日夜誦不輟稍
 長受業宋進士建安黃坦坦曰此子穎悟過人非諸

生可比因命以顏為氏且名而字之焉又之坦辭曰
 余不能為爾師羣經有朱子說具在歸而求之可也
 伯顏自弱冠即以斯文為己任其於大經大法粲然
 有觀而心所自得每出於言意之表鄉之學者來相
 質難隨問隨辨咸解其惑於是中原之士聞而從游
 者日益眾至正四年以隱士徵至京師授翰林待制
 預脩金史既畢辭歸已而復起為江西廉訪食事數
 月以病免及還四方之來學者至十餘人蓋其為學
 專重講解而務真知力踐不胥事舉子詞章而必期
 音者當用士出其期不問知其為伯顏氏也

異端之徒亦繼往棄其學而學焉十八年河南賊高
 延河北伯顏言於省曰將結其鄉民為行伍以自保
 而賊兵大至伯顏乃渡漳北行邦人從之者數十萬
 家至磁與賊遇賊知伯顏名士生劫之以見賊將誘
 以富貴伯顏罵不屈引刃受刃與妻子俱死之年六
 十有四既死人或謂其賊見其心數札曰古稱聖人
 心有七竅此非賢士乎乃剖心其腹中覆書而捨之
 有司上其事贈奉議大夫僉太常禮儀院事諡文節
 太常諡議曰以城守論之伯顏無城守之責而死可
 與江州守李黼一律以風紀論之伯顏無在官之責

而死可與而臺御史張桓並薦以平生有用之學成
 臨義不奪之節乃去之所謂君子人老而以為確論
 伯顏平生修輯六經多所著述皆燬于兵
 贈思字得之其先大食國人國既內附大父魯坤乃
 東遷豐州太宗時以材授真定濟南等路監權課稅
 使因家真定父幹直始從儒先生問學輕財重義不
 干仕進贈思生九歲日記古經傳至千言比弱冠以
 所業就正于翰林學士承旨王思廉之門由是博極
 羣籍汪洋茂衍見諸踐履皆篤實之學故其年雖少
 已為郡縣所推重延祐初詔以科第取士有勸其就
 承旨劉賡叅知政事王士熙交章論薦之泰定三年
 詔以遺逸徵至上鄉見帝于龍虎臺春遇優渥時倒
 刺沙柘國西域人多所為瞻忌獨不往見倒刺沙屢
 使人招致之即以表親請歸天曆三年召入為應奉
 翰林文字賜對奎章閣文宗問曰卿有所著述否明
 曰進所著帝王心法文宗稱善詔預脩經世大典以
 論議不合求去命奎章閣侍書學士虞集論留之贍
 思堅以年老辭遂歸帝遣之復命集傳旨曰卿且莫
 還行召卿矣至順四年除國子博士丁內艱不赴後

至元二年拜陝西行臺監察御史節上封事十條曰
法祖宗攬權綱敦宗室禮數舊惜名器闕言路復科
舉罷數軍一刑章宜禁網時燕臣變亂成憲帝方虛
已以聽贍思所言皆一時羣臣所不敢言者侍御史
趙承慶見之嘆曰御史言及此天下福也咸寧有執
政陝西行省者恣為非道贍思發其罪而按之輒棄
職夜遁會有詔勿遠問然猶杖其私人及分巡雲南
稅省臣之不法者其人即解印以去遠藩為之震悚
襄漢流民聚居宋一紹熙府故地至數千戶私開
井自相部署往往劫囚徒殺巡卒贍思乃擒其魁
釋其黨後上言紹熙土餘利厚流戶日增若以其人

散還本籍恐為邊患宜設官府以撫定之詔即其地
置紹熙宣撫司三年除兪淵西肅政廉訪司事即按
問都轉運鹽使海道都萬戶行宣政院等官贓罪淵
右郡縣無敢為貪墨者復以淵右諸僧寺私蔽猾民
有所謂道人道民行童者皆瀆常倫隱徭役使民
力日耗契勘嘉興一路為數已二千七百乃建議請
勅歸本族俾供王賦庶以少寬民力朝廷是之即著
以為令四年改兪淵東肅政廉訪司事以病免歸贍
思歷官臺憲所至以理冤澤物為已任平反大辟之

獄先後甚衆然未嘗故出人罪以市私恩嘗與五府
官決獄咸寧有婦宋娥者與隣人通隣人謂娥曰我
將殺而夫娥曰張子文行且殺之明日夫果死跡盜
數日娥始以張子文告其姑五府官以為非共殺且
既經赦宥宜釋之瞻思曰張子文以為娥固許之矣
且娥夫死及旬乃始言之是娥與張同謀度不能終
隱故發之也豈赦可釋哉樞密判官曰平反活人陰
德也御史勿執常法瞻思曰是謂故出人罪非平反
也且公欲種陰德於生者奈死者何乃獨上議刑部
卒正娥罪其審刑當罪多類此至正四年除江東肅
政廉訪副使十年召為秘書少監議治河事皆辭疾
不赴十一年卒于家年七十有四二十五年皇太子
撫軍真寧承制封拜贈嘉議大夫禮部尚書上輿車
都尉進封恒山郡侯謚曰文孝瞻思邃於經而易學
尤深至於天文地理鍾律筭數水利旁及外國之書
皆究極之家貧饑粥或不繼其考訂經傳常自築也
所著述有四書闕疑五經思問奇偶陰陽消息圖老
莊精詣鎮陽風土記續東陽志重訂河防通議西國
圖經西域異人傳金哀宗記正大諸臣列傳審聽要
款及文集三十卷藏于家

元史一百九十一
卷第七十八
承繼十一平卒平承平以十承四二十平承本平

傳卷第七十八

元史一百九十一

翰林學士善太知制誥葉僑史果無翰林制誥善太知制誥葉國史院修官三善果

勅修

良吏

自古國家上有寬厚之君然後為政者得以盡其愛
民之術而良吏興焉。漢與民休息凡事
簡易禁罔踈闊以寬而守清靜為天下先。故文景以後
循吏輩出其言蓋識出時之治體矣。元初風氣質實
與漢初相似。世祖始以谷道勸農使又用五事課守

令以勸農繫其銜故當是時良吏班班可見亦寬厚之効也然自中世以復循良之政史氏缺於紀載今據其事蹟之可取者作良吏傳

譚澄字彥清德興懷來人父資榮金末為交城令國兵下河朔乃以縣來附賜金符為元帥左都監仍兼交城令未幾賜虎符行元帥府事後攻汴有功年四十移病舉弟資用自代資用卒澄襲職澄幼穎敏為交城令時年十九有文谷水分漑交城田文陽郭帥專其利而堰之訟者累歲莫能直澄折以理令決水均其利於民豪民有持吏短長為奸者察得其主名

皆以法治之歲乙未籍民戶有司多以簿略占

征賦逃竄殆盡官為稱貸積息數倍民無以償澄入

覲因中書耶律楚材面陳其害太甚惻然為免其漻

其私負者年雖多息而止亡民能歸者復三年

詔下公私便之壬子復大籍其民澄盡削交城之不

著者賦以時集甲寅世祖還自大理以進見留落府

凡遣使必以澄偕而以其弟山代為之城今時世祖

以皇弟開藩京兆總天下兵歲丁巳有間之者憲宗

疑之遂解兵柄遣阿茲蓋答兒往京兆大集官吏置

局百四十二條以考其教之罪者甚衆世祖每遣左

澗澗與澄周旋其間以彌縫其缺及親入朝亨乃得
中統元年世祖即位懷益路總管俄賜金符授金
虎符歲旱令民鑿唐白渠引沁水以溉曰民用不饑
教之種植地無遺利云二元二年遷河南路總管改平
灤路總管七年入爲司農少卿俄出爲京兆總管居
一年改陝西四川道坦刑按察使建言不孝有三無
後爲大宜令民年四十無子聽取妾以爲宗祀計朝
廷從之遂著爲令四川僉省嚴忠範守成都爲宋將
督萬壽所敗退保子城世祖命澄代之至則莖暴骸
修焚室賑饑貧集逋亡民心稍安會西南夷羅羅斯

內附帝以撫新國宜擇文武全才遂以澄爲副都元
帥同知宣慰使司事比至以疾卒年五十八世祖嘗
與太保劉秉忠論一時牧守秉忠曰若邢之張耕懷
之譚澄何憂不治哉游顯宜撫大名嘗爲諸路總管
求虎符宜麻澄至中書辭曰皇上不識譚澄耶乃爲
顯所舉中書特爲去之其介如此子克脩歷湖北河
南陝西三道提刑按察使

許維禎字周卿遂州人至元十五年爲淮安總管府
判官屬縣鹽城及丁溪場有二虎爲害維禎默禱于
神祠一虎去一虎死祠前境內旱蝗維禎禱而雨蝗

亦息是年冬無雪父老言于維禎曰冬無雪民多疾
奈何維禎曰吾當爲爾禱已而雪深三尺朝廷聞其
事方欲用之而卒年四十四子殷

許楫字公度太原忻州人幼從元裕學年十五以儒
生中詞賦選河東宣撫司又舉楫賢良方正孝廉楫
至京師平章王文統命爲中書省掾以不任簿書辭
改知印丞相安童左丞許衡深器重之一日從省臣
立殿下世祖見其美髯魁偉問曰汝秀才耶楫頓首
曰臣學秀才耳未敢自謂秀才也帝善其對授中書
省架閣庫管勾兼承發司事未幾立大司農司以楫

爲勸農副使時商挺爲安西王相遇於途楫因言
兆之西荒野數千頃宋金皆嘗置屯如募民立屯田
歲可得穀給王府之需挺以其言入奏從之三年屯
成果獲其利尋佩金符爲陝西道勸農使至元十三
年宋平帝命平章廉希憲行中書於荆南府以楫爲
左右司員外郎荆南父老與金帛求見楫曰汝等已
爲大元民矣今置吏以撫之汝輩奚用金帛以求見
明年擢嶺北湖南提刑按察副使武岡富民有毆死
出征軍人者陰以家財之半誘其佃者代已款伏楫
審得其情釋佃者繫富民人服其明改江西道提刑

按察副使行省命招討郭昂討叛賊董旗兵士俘掠甚衆楫詢究得良民六百口遣還鄉里二十三年授中議大夫徽州總管桑哥立尙書會計天下錢糧參知政事忻都戶部尙書王巨濟倚勢刻剝遣吏徵徽州民鈔多輸二千定巨濟怒其少欲更益千定楫詣巨濟曰公欲百姓死耶生耶如欲其死雖萬定可徵也巨濟怒解徽州賴以免楫考滿去徽之績溪歙縣民柯三八汪千十等因歲饑阻險爲寇行省左丞教化以兵捕之相拒七月乃使人諭之三八等曰但得許總管來我等皆降矣行省爲驛召楫至命往招之

楫單

騎趨賊壘衆見楫來皆拜曰我公既來請

以付我楫白教化請退軍一舍聽其來降不聽會以參政高興代教化楫復以前言告之興從其計歲未降二十四年授太中大夫東平總管謝事二年卒年七十十一子餘慶重慶崇慶餘失其名

田滋字榮齋開封人至元二年由汴梁路總管所入爲御史臺掾十二年拜監察御史十三年卒平滋建言江南新附民情未安加以官吏侵虐宜立行御史臺以鎮之詔從其言遂超拜行御史臺侍御史歷兩淮鹽運使河南路總管大德二年遷浙西憲訪

使有縣尹張或者被誣以贓獄成茲審之但覺言立而不語恣以為疑明日齋沐詣城隍祠禱曰張或坐事有充狀願神相證明其誣守廟道士進曰曩有三成等五人同持誓狀到祠焚禱火未盡而去之爐中得其遺藁今歲於壁間豈其人耶視之果然明日詣憲司詰成等不服因出所得火中誓狀示之皆驚愕伏辜張或得釋十年改濟南路總管尋拜陝西行省參知政事時陝西不雨三年道過西嶽因禱曰茲奉命來參省事而安西不雨者三年民饑而死海將何

雨以神降甘澤以福黎庶到官果大雨茲即謂合言以

參五千餘石給小民之渴種者俾來歲收成以

民大悅未幾以疾卒于位贈通奉大夫河南行省參

知政事追封開封郡公謚莊肅

上天璋字君璋洛陽人父世昌任金為河南孔目官

憲宗南征率衆款附授鎮撫統民兵二千戶陞真定

路管民萬戶憲宗六年籍河北民徙河南者三千餘

人俾專領之遂家汴天璋幼穎悟長負直氣讀書史

識成敗大體至元中為南京府史時河北饑民數萬

人集河上欲南徙有詔令民復業勿復去河均不肯

還天璋慮其生變勸總管張國寶聽其渡國寶從之

遂以無事河南按察副使程思廉察其賢辟為富吏
聲聞益著後為中臺掾有侍御史倚勢貪財御史
其賊天璋主文牘未及奏顧為所譖俱拘內廷御史
對食悲哽天璋問故御史曰吾老唯一女心憐之聞
吾繫不食數日矣是以悲耳天璋曰死職義也奈何
為兒女子泣耶御史懃謝俄見原免丞相順德王當
國權掾中書為提控事有可否必力辯他相怒天璋
言不置王竟從其議且曰掾能如是吾復何憂大德
四年為工部主事蔚州有劉帥者豪奪民產吏不敢
大行數天璋往訊之帥服曰竟歸民大德五年以

大臣聞伯薦瑞一都事贊其府引見賜錦衣鞍轡
乃後以扈從勞加奉訓大夫賜侍燕服一襲秩滿當
代樞密臣奏留之特以其代為增負武宗時遷宗正
府郎中尚書省立遷刑部郎中適盜賊充斥時議犯
者并家為咸服青衣中以別民伍天璋曰楮衣塞路
秦弊也尚足法耶相悟而止有告諸侯王謀不軌者
勅天璋訊正之嘗發優渥尚書省臣得罪仁宗召天
璋入見時與聖太后在座帝指曰此不貪賄卜天璋
也曰問今何言天璋對曰臣待罪刑部即中復問誰
所薦者對曰臣不才誤蒙擢用帝曰先朝以謝仲和

為尚書卿為郎

下朕親薦也汝宜奉職勿為即以

平書刑部印章

之既視事入覲賜酒隆福宮及備

衣三襲後被命治

及獄帝顧左右曰君璋庶慎人也必

得其情天璋承命

獄顧不克皇慶初天璋為歸德知

府邵農興學復河

渠河患遂弭時羣盜擾要津商旅

不通天璋擣百數

又悉磔以徇盜為止息陞浙西道

廉訪副使到任閱

月以更田制改授饒州路總管天

璋既至聽民自實

事無苛擾民大悅版籍為清時省

巨董田事妄作威

福郡縣爭賂之覲免譴饒獨無言

有臣衡之將中以

危法求其罪無所得縣以饒

得請而後賑民且死

矣失申之責吾獨任之不以累

諸君也竟發藏以賑

之民賴全活其臨事無所顧慮

若此火延饒之東門

天璋具衣冠向火拜勢遂熄臺

山有虎為暴天璋移

文山神立捕獲之以治行第一

聞陞廣東廉訪使先

定豪民瀕海堰專商船以射利

累政以賂置不問天

璋至設卒決去之嶺南地素無

冰天璋至始有冰人

謂天璋政化所致云尋乞致事

天曆二年蜀兵起荆

楚大震復拜山南廉訪使人謂

公老必不行矣天璋

曰國步方艱吾年八十恒懼弗

履死於耳政辭難乎遂行至則厲風絕清吏治州郡
蕭然是時穀價翔湧乃下令勿損穀價聽民自便於
是與車等集米價頓減後止憲司贓罰庫絡袋不壽
于臺留用聚饑御史至民遮道稱頌會詔三品官言
時政得失因列上二十事凡萬餘言目之曰中興書
治策嘗中時病因目引去既歸亦以餘祿施其家黨
家無廢儲天璋與之晏如也至順二年卒贈通議大
夫禮部尚書上祀一郡尉河南郡侯謚正獻

傳卷第七十九

元史一百九十一

翰林學士亞大夫知制誥無修國史臣宋濂翰林待制承旨高知制誥兼國史編修官善權等奉

勅修

良吏二

耶律伯堅字壽之桓州人氣豪俠喜與名士游用薦
舉入官為工部主事至元九年轉保定路清苑縣尹
初安肅州苦涇水之害訴於大司農司大司農司欲
壅水故道導水使東東則清苑境也地勢不利果導
之別清苑被其害而水亦必反故道為災伯堅陳其
形勢圖其利害要大司農司官及郡守行視可否事

元史一百九十一

遂得已縣西有塘水溉民田甚廣募援以為磴民
以失利來訴伯堅命毀磴決其水而法之田許以溉
田之餘月乃得堰水置磴仍以其事聞于省部著為
定制縣居南北之衝歲為親王太官治供帳於縣西
限以十月成至明年後撤而新之更得並緣侵漁其
費不貲伯堅命築公館以代供帳其弊遂絕凡郡府
賦役於縣有重於他縣者輒曰寧得罪於上不可得
罪於下必詣府力爭之在清苑四年民親戴之如父
母比去而猶思之立石頌其德焉擢為恩州同知
段直字正卿澤州晉城人至元十二年河北河東山
東盜賊充斥直聚其鄉黨族屬結壘自保世祖命大
將畧地晉城直以其衆歸之幕府承制署直潞州元
帥府右監軍其後論功行賞分土世守命直佩金符
為澤州長官澤民多避兵未還者直命籍其田廬於
親戚隣人之戶且約曰俟業主至當析而歸之逃民
聞之多來還者命歸其田廬如約民得安業素無產
者則出粟賑之為他郡所俘掠者出財贖之以兵死
而暴露者收而瘞之未幾澤為樂土大修孔子廟割
田千畝置書萬卷迎儒士李俊民為師以招延四方
來學者不五六年學之士予以通經被選者百二十

有二入在官二十年多有惠政朝廷特命提舉本州
學校事未拜而卒

諱都刺字端之凱烈氏祖阿思蘭嘗從大將阿米伐
宋仕三莫寧路達魯花赤子孫因其名蘭遂以蘭為
氏諱都刺通經史兼得諸國語成宗時為翰林院札
爾里赤職書制誥會有旨命書藩王添力聖旨諱都
刺曰此旨非惟有虧國體行且為民殃矣帝聞之謂
近臣曰小吏如此一難得也事乃止尋授應奉翰林
文學凡蒙古傳譯多所校正陞待制時方選守令除
遼州達魯花赤以聞賜上尊名幣除集賢直學士

至順元年遷襄陽路達魯花赤山西大南行省

恐流民入境為變檄守武關諱都刺驗其良民輒聽

其度關吏曰得無違上命乎諱都刺曰吾防姦耳非

仇良民也可不開其生路耶既又糞礫以食之所活

數萬人文城臨漢水歲有水患為築堤城外遂以無

虞元統二年除益都路總管俗頗悍黠而諱都刺務

興學校以平易治之有上馬賊白晝劫人久不能捕

諱都刺生擒之其黨賂宣慰使羅錫誣以程勤縱其

賊已而賊劫河間復被獲乃盡輸其情而諱都刺之

誣始白俾再任一考親王買奴鎮益都其府屬病民

諸都刺裁抑之民以無擾至正六年卒年七十一
徽堅同知新喻州事以孝稱

楊景行字賢可吉安太和州人登建祐二年進士第

授贛州路會昌州判官會昌民素不知井飲汲晉河

流故多疾病不知陶瓦以茅覆屋故多火災景行教

民穿井以飲陶瓦以代茅茨民始免於疾癘火災豪

民十人號于虎干政害民悉捕寘之法乃創學舍禮

師儒勸民斥腴田以饒士弦誦之聲遠盛調來新州

判官奉郡府命覈民田租除剝宿弊奸欺不容細民

賴焉改江西行省照磨轉撫州路宜黃尹理白

獄之不決者數十事陞撫州路總管府推官發掘

伏郡無冤獄金溪縣民陶甲厚積而先險嘗屢誣陷

其縣長吏罷去之由是官吏畏其人不致詰治陶遂

暴橫於一郡景行至以法痛繩之徙五百里外金溪

豪僧雲住發人家墓取財物事覺官吏受賄緩其獄

景行急按之僧以賄動之不聽乃賂當道者以危語

憲之一不顧卒治之如法由是豪猾屏迹良民獲安

轉湖州路歸安縣尹奉行省命理荒田租民無歎弊

景行所歷州縣皆有惠政所去民皆立石頌之以翰

林特制朝列大夫致仕年七十四卒

林興祖字宗起福州羅源人至治二年登進士第授
承事郎同知黃巖州事三遷而知鉅山州鉅山素多
造偽鈔者豪民吳友文爲之魁遠至江淮燕薊莫不
行使友文奸黠悍鷙因偽造致富乃分遣惡少四五
十人爲吏於有司伺有欲告之者輒先事賊之前後
殺之甚衆奪人妻女十一人爲妾民罹其害銜寃不
敢訴者十餘年興祖至官曰此害不除何以救民即
張榜禁偽造者且立賞募民首告俄有告者至停以
不實斥去又有告獲偽造二人并贓者乃鞠之欵成
友文自至官爲之營救興祖命併執之須臾東訴友
文者百餘人擇其重罪一二事鞠之獄立具逮捕

黨二百餘人悉寘之法民害既去政聲籍甚江淞
省丞相別兒怯不花薦其諸朝陞南陽知府改建德
同知俱未任至正八年特旨遷爲道州路總管行至
城外撞賊已迫其後相去僅二十里時湖南副使哈
刺帖木兒屯兵城外聞賊至以乏糧欲退兵興祖
聞即夜詣說留之哈刺帖木兒曰明日得鈔五千錠
桐看五百乃可破賊興祖許之明日肅入城視事即
以恩信勸商貸鈔五千錠且取郡禮舊榻板爲
看日中皆備哈刺帖木兒得鈔看大喜遂留爲禦賊

計賊聞新總管至一日具五百盾以為大軍且至中
夕遁去永明縣洞徑屢竊發為民害與祖以手榜諭
之皆曰林總管廉而愛民不可犯也三年不入境春
旱蟲食麥苗與祖為文禱之大雨三日蟲死而麥稔
三而罷興作賑貧之輕徭薄斂郡中大治憲司考課
以道州為最以年老致仕終于家

觀音奴字志能唐元人氏居新州登泰定四年進士
第由戶部主事再轉而知歸德府廉明剛斷發摘如
神民有術寃不直者雖數十年前事皆千里奔走

觀音奴立為剖決旬日悉清彰德富商往往畏之

王氏妾孫氏孫訴于官官吏納任賄謂却非傷死反

抵孫罪置之獄王來訴寃觀音奴立破械出孫于獄

呼府胥語之曰吾為文具香幣若為吾以却事禱請

城隍神令神顯於吾有睢陽小吏亦預却事畏觀音

奴嚴明且懼神顯其事乃以任所賂鈔陳首曰却實

傷死任賂上下匿其實吾亦得賂敢以首於是罪任

商而釋孫妾寧陵豪民楊甲風者王乙田三項不能

得值王以飢携其妻就食淮南而王得疾死其妻還

則田為楊據矣王妻訴之官楊行賄偽作文意曰王

在時已售我觀音如令王妻挽楊同就崖府君神祠
質之楊懼神之靈先期以羊酒免巫囑神勿泄其事
及王與楊詣祠質之果無所顯明觀音奴疑之召巫
詰問巫吐其實曰楊以羊酒免我囑神曰我實據王
田幸神勿泄也觀音奴因訊得其實坐楊罪歸其田
王氏責神而掃其祠亳州有蝗食民禾觀音奴以事
至亳民以蝗訴立取蝗向天祝之以水研碎而飲是
歲蝗不為災後陞為都水監官

周自強字剛善臨江路新喻州人好學能文練於吏
事以文法推擇為吏秦定間廣西洞徭反自強往見

徭酋說以禍福中其要害徭酋立為罷兵貢方物納
款請命事聞于朝特旨超授廣西兩江道宣慰司都
事轉饒州路經歷遷婺州路義烏縣尹周知民情而
性度寬厚不為刻深民有以爭訟訴于庭者一見即
能知其曲直然未遽加以刑責必取經與中語反覆
開譬之令其誦讀講解若能悔悟首實則原其罪若
迷謬怙惡不悛然後繩之以法不少貸民之且愛獄
訟類息民間田稅之籍多失實以故差徭不一自強
出令履畝覈之民不能欺文簿井井可效於是賦役
平均貧富樂業其聽訟決獄物無遺情案無以片

言欺惑之不可得由是政治大行聲譽籍甚節使者
數以廉能舉于朝選授無州路金溪縣尹階奉議大
夫政績愈著以亞中大夫江州路總管致仕

白景亮字明甫南陽人明法律善書算由延慶行省
譯史有勞超遷南恩知州陞沔陽府尹奏最于朝特
授衢州路總管先是為郡者於民間徭役不盡校田
畝以為則吏得並緣高下其手富民或優有餘力而
貧弱不能勝者多至破產失業景亮深知其弊乃始
覈驗田畝以均之役之輕重一視田之多寡大小各
各使得宜咸便安之由是民不勞而事易集也

無廩饘祭服樂器有缺景亮皆為備之儒風大振搢
紳稱頌焉景亮性廉介勤苦自奉甚薄妻尤儉約惟
以脫粟對飯而已部使者嘗上其事特詔褒美賜以
官錦改授台州路總管卒于官

王良字止善紹興諸暨人尚氣節讀書務明理以致
用不苟事言說准東廉訪司辟為書吏遷淮西會例
章南士就為吏於兩淮部轉運鹽使司以歲月及格
授廬州錄事判官淮東宣慰司辟為令吏以廉能稱
再調峽州總管府知事以時江湔行省掾史會朝廷

復立諸市船司良從省官至泉州建言若買舊有之
船以付船商則費省而一易集且可絕官吏侵欺措
克之弊中書省報如良言凡為船六艘省官錢五十
餘萬繼歷建德縣尹除兩湖都轉運鹽使司經歷紹
興路總管王克敬以計一食鹽不便嘗言於行省未
報而克敬為轉運使集家務積其額以紓民力沮
之者以為有成籍不可改民實寡而強賦
多民之錢今死徙已衆矣願一改民籍而輕棄民命
乎且制右之郡商賈輻輳去年以口計也移其所賦
散於商旅之所聚實為良法於是議歲減紹興食鹽

手六作子尋有復排前請者良以商賈去丞排

之亟遣留良而議遂定遷海道漕運都萬戶府經歷
紹興之官糧入海運者十萬石城距海十八里歲令
有司拘民船以備短送亦胥得並緣以虐民及至海
次主運者又不即受有妨缺之患良執言曰運戶既
有官賦之直何復為是紛也乃責運戶自載糧入
運船運解為風所敗者嘗覈實除其數移文往還運
載歲不總良取吏贖拔閱即除其糧五萬二千石
石鈔二百五十萬緡運戶乃免於破家遷江浙省
檢校官有詣中書訴松江富民包隱田土為糧一百

元史卷九十九

七

七十餘萬石沙蕩為鈔五百餘萬緡宜立官府糾察
其追之中書移行省議遣官驗視而松江獨當十
良至松江條陳曲折以破其誑妄言其不過彼疎朝
廷之聽而報宿怨且冀別立衙門為徵名計耳
一民心動搖患生不測言國家培養根本之策豈
言上事遂寢除江西行省左右司員外郎吉之安福
有小吏誣民欺隱詭寄四州九千餘石初止八家前
後數十年株連至千家行省數遣官按問吏已伏其
虛誑而有司喜功生事若復勒其民報合徵糧六
餘石憲司援詔條革去終莫能止良到官首言是
一糧比元經理已增一千一百餘石豈復有欺隱
寄者乎准憲司所擬可也行省用良言悉蠲之良在
任歲餘以中憲大夫准東道宣慰副使致仕卒年七
十一

盧琦字希韓惠安人登至正二年進士第十二年稍
遷至永春縣尹始至賑饑饑止橫歛均賦徒口
二百餘引獨包銀權鐵之無徵者已而訟息民安乃
新學宮延師儒課子弟身書季攷文風翕然邑仙
遊盜發琦適在邑境盜逸見之迎拜曰此永春大夫
也為大夫百姓者何幸之大乎吾邑長乃以

我故至此耳琦因立馬喻以禍福衆皆投刃與請縛
其首以自新琦許之首至琦械送帥府自是威惠行
於境外十三年泉郡大饑死者相枕藉其能行者皆
老幼扶携就食永春琦命分諸浮屠及大家使食之
所存活不可勝計十四年安溪寇數萬人來襲永春
琦圍召邑民喻之曰汝等能戰則與之戰不能則我
當獨死之爾衆皆感憤曰使君何言也使君父母我
民赤子其忍以父母昇賊邪且彼寇方將虜掠我妻
子焚毀我室廬乃一邑深仇也今日之事有進無退
使君其勿以為憂因踴躍爭奮琦率眾攻賊大破之

明日賊復傾巢而至又破之大小三十餘戰斬獲

千二百餘人而邑民無死傷者賊大衄遂遁去時兵
革四起列郡皆洶洶不寧獨永春晏然無異承平時
十六年改調寧德縣尹而去

鄒伯顏字從吉高唐人爲建寧崇安縣尹崇安之爲
邑區別其土田名之曰都者五十五都之田上送
官者爲糧六千石其大家以五十餘家而養五千石
細民以四百餘家而合一千石大家之田連跨數郡
而細民之糧或僅升合有司常以四百之細民配五
十大家之役故貧者受役旬日而家已破伯顏曰貧

弱之受困一至此乎乃取其糧籍而分計從有糧一石者受一石之役有糧升斗者受升斗之役田多者受數都之役而不可辭田少者稱其所出而無俸免貧困無告之民始得以休息崇安賦役之均遂為四方最邑有宋趙抃所鑿溝溉民田數千畝歲久溝湮而田廢伯顏修長溝十里統楓樹陂累石以為固溝悉復抃遺跡而田為常稔民賴其利安慶路嘗得造偽鈔者遣卒誅其囚至崇安求其黨而執之囚與卒結謀望風入良民家肆虐伯顏捕訊得其狀即執而歸諸安慶自是偽造之連逮無濫及崇安者於是行

省帥府御史憲府咸舉其能選調漳州路判官

劉秉直字清臣大都武清人至正八年來為衛輝路總管平徭役興教化敦四民之業崇五土之利養鰥寡恤孤獨賊劫汲縣民張聚鈔一千二百錠而殺之賊不獲秉直具詞致禱城隍祠而使人伺于死所忽有村民阿達者戰怖仆地具言賊之姓名及所在乃命尉襲之果得賊于汴遂正其罪秋七月虫螟生民患之秉直禱于八蜡祠虫皆自死歲大饑人相食死者過半秉直出俸米倡富民分粟餒者食之病者與藥死者與棺以葬天不雨未且槁秉直詣城北太行

之蒼峪神祠具詞祈祝有青蛇蜿蜒而出觀者異之
辭神而還行及數里雷雨大至秩滿以親老去官侍
養

許義大陽山人為夏邑縣尹每親詣鄉社教民稼穡
見民勤謹者出已俸賞之怠惰者罰之三年之間境
內豐足後為封丘縣尹值至正四年大饑盜賊羣起
掠州縣義夫聞賊至近境乃單馬出郊十里外迎
之見賊數百人義夫力言封丘縣小民貧皆已驚惶
逃竄幸無入吾境也言辭懇款賊遂他往封丘之民

子允於難

傳卷第七十九

元史一百六十八

翰林學士中大夫知制誥無修國史巨宋瀛翰待制承直郎兼國史院編修官孫義

勅修

忠義

李伯溫守賢之孫毅之子也長兄惟則懷遠大將軍
平陽征行萬戶次伯溫歲累戍錦州張致叛國王本
華黎命擊之上八戰城北伯溫死焉伯溫行平陽元帥
府事鎮青龍軍專任東征知平陽已臨弟守忠被執
選驍勇拒守入之金人盡斂來攻守卒夜多遁去李
成開水門導敵入伯溫登堞樓謂左右曰吾兄弟伏

節擁麾受方四面之膏今不幸榮利嘗以死報國吾弟
已被執我不言再辱汝素宜自逃生士卒皆猶豫不
忍去伯温即取劍殺家屬投舟中以死植柱刺心而
死金入登樓元伯温抱柱如生無不嗟歎子守正自
幼時嘗質於太華黎後為平陽守活俘虜甚衆以功
授銀青榮祿大夫河東南路兵馬都元帥歲庚寅上
黨晉陽合兵攻汾州將陷守正以義赴援衆寡不敵別
遣老弱百人由太新揚塵多張旗幟敵懼遂解去汾人
持牛酒迎犒立日道不絕且泣謝曰幸公完是州德甚
大願奉是州以從關中兵起吉州首領楊鐵槍以數千
人叛守正出公擒之斬成據陽州守正往擊之中矢

傷足及歸瘡甚會金人完顏合達攻平陽守正累瘡
戰歿大帥以其兄守忠代之守忠官至銀青榮祿大
夫河東南路兵馬都元帥兼知平陽府事壬午冬平
陽公胡景山以青龍堡降塔從攻益都北還軍將彭
智孫乘間據武州叛守忠聞之長驅抵城下力戰復
之丁亥夏四月金統石烈真襲擊平陽行營招討使
權國三按察元於洪洞守忠出援之會於高梁師潰
入城平陽副帥來谷常德潛獻東門以納金兵城遂
陷金人執守忠至汴誘以高爵使降守忠罵之語惡

金人怒置守志鐵籠中火炙死

石琚泰安新泰人宋祖徠先生守道之高孫也世以

讀書力田為業體貌魁偉智勇過人但儻不羈金貞

祐南渡兵成四起琚率少壯負險自保與滕陽陳敬

宗聚兵山東破張都統李霸至兵於龜蒙山宋將鄭

元龍以兵迎破琚敗之於亳陽遂乘勝引兵入盱眙

會宋賈涉誘殺連水忠義軍統轄季先人情不安眾

迎琚為帥呼為太尉歲戊寅太祖使葛葛不罕與宋

議和己卯琚令麾下劉順直抵尋斯干城入覲太祖

慰勞順且敕曰如宋和議不成吾與爾永結一家

吾必禁汝順還告琚珪心感服日夜思降庚辰宋界

渝盟珪棄其妻孔氏子金山杖劔渡淮宋將追之曰

太尉廻完汝妻子珪不顧宋將沉珪妻子於淮遂率

順及李温因亭里海歸木華黎木華黎悅之謂曰若

得東平南京授汝判之辛巳木華黎承制授珪光祿

大夫濟兗單三州兵馬都總管山東路行元帥佩金

虎符便宜從事後金棄東平珪與嚴實分據收輯濟

兗沂滕單諸州癸未太祖詔曰右珪棄妻子提兵歸

順戰勝攻取加授金紫光祿大夫東平兵馬都總管

山東諸路都元帥餘如故秋七月珪領兵破曹州與

金將鄭從宜連戰數晝夜糧絕援兵不至軍無叛意
珪臨陣馬仆被擒囚至汴金主壯其為人誘以名爵
欲使揖珪憤然曰吾身事大朝官至光祿復能受封
他國耶假我一朝當縛爾以獻金主大怒蒸殺于市
珪怡然就死色不變其麾下立社宛州祀焉

攸哈刺拔都渤海人初名興哥世農家善射以武斷
鄉井金末避地六寧國兵至出保高州富庶寨射獵
以食屢奪大營孛玄田又射死其追者國王木華黎率
兵攻寨寨破奔高州國兵圍城下令曰能斬攸興哥
首以降則城中居民皆獲生守者召謂曰汝哥也

吾輩心附汝首以獻汝其往降乎不然吾一城生靈

無唯類矣興哥乃折矢出降諸將怒欲殺之木華黎
曰壯士也留之為吾用俾隸麾下從木華黎攻通州
獻計一夕造砲三十雲梯數十附城州將懼出寶貨
以降木華黎命興哥恣取之興哥獨取良馬三以賞
兵士木華黎以其功聞太祖賜名哈刺拔都從木華
黎略地燕南為先鋒至大名金將徒單登城督戰哈
刺拔都射之中左目其部將開門南奔追殺將盡論
功賜金符充隨營監察戊寅授金虎符龍虎衛上將
軍河東北路兵馬都元帥鎮太原時太原新破哈刺

拔都修城池繕兵甲切改降屬邑市肆不改遠近聞
之皆相率來歸嘗微服夜出聞民間語曰吾屬父母
子女相失矣死者不可復生生者無以爲贖柰何明
日下令軍中凡俘獲有親者聽贖無貲者官爲贖之
民得完聚者衆庚辰二月金梁知府立西風寨奪居
民耕牛民群訴之哈刺拔都領數騎追殺梁知府梟
首西門驅耕牛還木華黎由葭州渡河西行哈刺拔
都迎之道破隰州及懸窰地洞諸寨辛巳三月金兵
攻壽陽縣王胡莊垂破時左右裨將各分兵守險城
中見卒不滿百哈刺拔都夜半引甲騎十餘人救之

道三交見金兵舉烽東西兩山哈刺拔都趨之大戰
天將明金兵遁去擣太原之虛由西門俘獲哈刺拔
都家屬哈刺拔都聞之徑趨西山復奪以還五月金
趙權府率兵三萬圍太原哈刺拔都將騎三十出西
門令騎曳柴揚塵聲言曰國兵三萬至定八金兵懼潰
去癸未金馬武京來攻太谷縣桑特寨哈刺拔都設
伏于險將輕騎衝其陣伏發大敗之時太原諸邑皆
平惟石家昂及孟州陵井秦忻州清泉寨爲唇齒皆
未下甲申十月將兵至陵井遣卒叩寨門詐曰納糧
芻守者弗悟門啓徑入蹂踐之衆潰其首長走石家

昂遂平陵并寨乙酉二月清泉寨酋長王毅降石家
昂亦降丁亥五月姦人夜獻太原東門于武仙仙引
兵入哈剌拔都慶戰仙兵大至諸將自城外呼曰攸
哈剌拔都汝當出哈剌拔都曰真定史天倪平陽李
守忠陽州田雄皆失守矣我又棄太原將何面目見
主上及國王乎家屬任公等所俘哈剌拔都誓與城
同存亡遂歿于陣太祖以其子幼命其表弟王七十
復立太原己丑攻鳳翔府中砲死哈剌拔都長子忙
兀合嗣鎮太原

任志潞州人歲戊寅太師國王木華黎嘗遣至潞州
志首迎降國王授以虎符俾充元帥收輯山寨勳

金兵戰比有功金嘗言擒其長子如山以招之曰降則
爾子得生不降則死志曰我為大朝之帥豈愛一子
親射其子殪之木華黎嘗召諸將議事志亦預微道
經武安其縣已反志為金志死之國王聞之令其子存
襲庚寅歲金將武仙攻潞州存戰死辛卯正月有旨
潞州元帥任存妻李家屬令有司廩給仍賜第以居
之十一月以存父子死事子立尚幼先官其姪成為
潞州長官待立長而還授之成卒授立潞州長官佩
金符後歷澤州尹遷陳州卒

耶律忒末契丹人父丑哥仕遼為都統遼亡不屈節
夫婦俱死焉金主憫其忠義授忒末都統歲甲戌國
兵至金徙于汴忒末及子天祐率眾三萬內附授帥
府監軍天祐招討使從元帥史天倪畧趙州平棘樂
城元氏柏鄉贊皇曲陽等縣籍其民五千餘置吏安
輯天祐歲辛巳太師木華黎統領諸道兵馬承制加忒
末趙州等路征行元帥與天祐略邢洛磁相懷孟招
花馬趙元帥有功木華黎又承制授忒末真定路安
撫使趙州元帥進兵臨澤潞隆其民六千餘戶以
遷河北西路安撫使兼澤潞元帥府事壬午致討遼

居真定天祐襲趙州天倪攻取益都諸城略滄棣
戶七年兼滄棣州達魯花赤佩金符時金鹽山衛鎮
鹽場未下天祐以計克之歲運鹽四千席以佐軍儲
甲申攻大名拔之乙酉金降將武仙據真定以叛殺
守將史天倪忒末父子夜踰城而出將以聞會天倪
弟天澤還自北京遇諸蒲城合蒙古諸軍南與賊戰
走武仙復真定朝廷以天澤襲兄爵而以天祐鎮趙
州明年仙復犯真定天澤潛師出藁城忒末與其妻
石孫氏及家孥在真定者皆陷焉仙遣其僕劉攬兒
持言誘天祐曰汝能誅趙州官吏以降當活汝父母

仍涉波元帥不爾盡烹之忒未密令攬兒語天祐曰
 仙賊狡猾汝所知也毋以我故墮其機察以虧忠節
 且志孝難兩全汝能固守不失國家大計我視乃錫
 其如蒼矣天祐慟哭承命馳至藁城以賊書示天澤
 天澤曰王陵之事照耀史冊汝能遵父命忠誠許國
 功不在三陵下天祐乃趨還趙壁率衆殊死戰仙怒
 盡殺忒未家一十八人戰于樂城元氏高邑栢鄉仙
 兵屢往監軍張林密搆仙黨啓開納賊天祐倉皇巷
 戰于殺數十人身被十餘瘡斷關出復收散卒圍城
 下以城寨近藁城會天澤兵夾擊殺并如壽

伯八兒合丹氏祖明里也赤哥嘗隸太祖帳下初法
 列王可罕與太祖爲鄰國善相親好既而敗盟與其
 子先兒潛謀欲襲太祖因遣使通問許以女妻太祖
 弟合撒兒至期太祖欲往明里也赤哥疑其詐諍止
 之王可罕知謀泄遂謀入寇後爲太祖所滅父厥倫
 闕里必扈從太祖征西域累立奇功世祖即位以伯
 八哥子孫擢爲萬戶命領諸部軍馬屯守火火州
 至元二十二年親王昔列吉脫鐵木兒叛奔海都伯八

以爲宜頭長六往討之未得命爲彼所襲死焉脫鐵
木竟房其二子八刺不蘭奚分置左右居歲餘待之
頗厚八刺陰結脫鐵木兒近侍也里伯禿謀殺父死
後爲也伯里禿家人泄其謀八刺知事不成將家族
南奔脫鐵木兒遣騎追之至一河八刺爲驚不能渡
回拒之射中數人力窮兄弟就擒脫鐵木兒責之曰
我待汝厚甚而汝反爲此罪八刺曰汝背叛君上言
我父掠我親屬我書欲殺汝以報君父之讎今力窮
被執從汝所爲這令跪不屈以鐵槌碎其膝終不跪
與不蘭奚同被害幼子何都兀赤官至河北河南

道肅政廉訪使

合刺普華岳璘帖木爾子也幼侍母與敦氏居益都
嘗歎曰幼而不學有不墮吾宗者乎父時以斷事官
建牙保定合刺普華徃白其志父奇之俾習畏兀書
及經史記誦精敏出於天性李壇畔其母携季子脫
烈普華避地登萊間音問隔絕號泣徹晝夜繼從從
叔父撒吉思平賊山東卒奉其母以歸撒吉思深加
器重自謂其才不及言於世祖召給宿衛嘗以事至
益都於四腳山下置廣興商山二冶以勞授金符爲
商山鐵冶都提舉未及代以職讓其弟時兵南伐餽

運繁興被選爲行都漕運使帥諸翼兵萬五千人從事飛輓江南平上疏言親肺腑禮大臣以存國家之體興學校獎名節以勵天下之士正名分嚴考課以定百官之法通泉幣卻貢獻以厚生民之本又言江南新附宜招舊族力稽通商弛征薄入以撫馴其民不然恐尙煩宵旰之慮帝多采用其言屬漕米三十萬絲邗溝達于河舟覆損十之一而又每斛視都斛虧三升時阿合馬專政責償舟人合刺普華伏闕抗言量之踦贏出於元降而水道之虞非人力所及且彼雖罄其家不足以償苟朝廷必不任虧損臣獨當

其辜詔勿治阿合馬憤之乃出合剌普華爲海寧路達魯花赤後遷江南宣慰使未至官改廣東都轉運鹽使兼領諸番市舶時盜梗鹽法陳良臣扇東莞香山惠州負販之徒萬人爲亂江西行省命與招討使谷失蠻討捕之先驅斬渠魁以訊馘告躬抵賊巢招誘餘黨復業仍條言鹽法之不使者悉除其害按察使脫歡大爲姦利遂奏罷之羣盜歐南喜僭王號僞署丞相招討衆號十萬因圖上其山川形勢及攻取之策三十餘條遂與都元帥課兒伯海牙宣慰都元帥曰佐萬戶王守信等分兵搃之未幾右丞唆都督兵

征占城交趾屬護餉道北至東莞博羅二界中遇劇
賊歐鍾等橫絕石灣其鋒銳甚合刺普華身先士卒
且戰且行矢竭馬創徒步格鬪殺數十人勇氣益厲
以衆寡不敵爲所執賊欲奉之爲主不屈遂遇害于
中心岡是夕其妻希召特勒氏夢其來告曰吾死矣知
事張德劉閏亦夢之二人相繼死而軍中往往見其乘
騅督戰云後贈戶部尚書守忠全節功臣謚忠愍子二
人僕文質越倫質僕文質官至吉安路達魯花赤贈宣
惠安遠功臣禮部尚書追封雲中郡侯謚忠襄子六人
僕玉立僕直堅僕哲篤僕朝吾僕列篋皆第進士僕哲

三子江西行省右丞以文學政事稱于時越倫質子善著

亦篤子僕百僚遜善著子正宗阿兒思蘭皆相繼登第一門
注科之盛當時所希有君子蓋以爲其忠義之報云

劉天孚字裕民大名入由中書譯史爲東平總管府
判官改都漕運司判官知冠州再知許州所至有治
績時檢核屯田臨穎鄧艾口民種田三百頃有欲害
之者指爲古屯陳于中書請復築之中書下天孚按
實天孚爲辨其非章數上乃止襄城與葉縣接壤其
南爲湛河襄城民食澹鹽葉縣民食解鹽刻石河南
岸以爲界葉縣令有貪汚者徙石於北二里誣其

民食私鹽繫治百餘家兩縣山僻禁縣衙陝漕禁以
陵襄城中書遣官察其實天旱為考其元界移石故
處而華縣令被罪去歲大旱天旱饑即雨野有蝗天
旱令民出捕俄群鳥來啄蝗為盡明年麥熟時有音
在如蟲食麥人無可奈何忽生大華蟲盡嚼之許人
立碑頌焉轉萬億寶源庫同提舉遷江西行省左右
司郎中以母老不赴俄丁母憂服除起知河中府視
事始兩月陝西行省丞相阿思罕為亂舉兵至河中
時事起不虞達魯花赤朶兒只趨晉寧告亂天孚日
夜治戰守具選丁壯分守要害令河東縣達魯花赤
脫 都守大慶爾津口盡收船舫東岸令判官孫伯
帖木兒守汾陰推官程謙守禹門河東縣尹三文義
守風陵等渡阿思罕軍列耕河西岸使來索舟天孚
度不能拒凡八遣人至晉寧乞援兵不報居七日阿
思罕縛棹河上欲縱火屠城同知府事鐵哥與河東
廉訪副使明安答見事急且患城中人偪乃詣阿思
罕軍阿思罕囚之而斂船濟兵既入城阿思罕以
扼河渡鎖舟楫為天孚罪欲脅使附己方坐府治號
令諸軍天孚佩刀直前衆遏之不得進遣謂幕僚王
從善等曰吾家本微賤荷朝命至此今不幸遭大變

吾何忍從之而廢上恩哉且與其辱於阿思罕之手
吾寧蹈河以死遂拂衣出時天寒河冰方堅天孚拔
所佩刀斫冰開北望爲國語若祝謝者再拜已脫衣
帽岸游乃投水中阿思罕大怒籍其家鄰人咸哀痛
之事平詔其弟天惠給驛以歸其柩葬于大名贈推
誠秉節功臣中奉大夫河東山西道宣慰使護軍彭
城郡侯謚忠毅

蕭景茂漳州龍溪人也性剛直孝友家貧力農重改
至元四年南勝縣民李智甫作亂掠龍溪景茂與兄
佑集鄉下拒之據觀音山橋險與賊戰衆敗景茂被

使從已景茂罵曰狗盜我生爲大元民死

隔洲鬼豈從汝爲逆耶隔洲其所居里也賊怒縛景
茂於樹齧其肉使自啖景茂益憤罵賊遂以刀去其
日至耳傍景茂罵不絕聲而死有司上其事朝廷
褒表之仍給錢以葬

翰林學士中大夫知制誥秘閣學士宋濂

製書郎制誥燕國公亮編修官一

勅修

忠義二

張桓字彥威真定藁城人父木知汝寧府因家焉桓以國子生釋褐授滑之白馬丞入補中書掾擢國子典簿拜陝西行臺監察御史以言事不合去未幾汝寧盜起桓避之確山賊久帥弗聽囚六日擁至渠魁論送順其徒梓桓起跪桓

知桓名襲獲之羅孫請為仰天大呼言此彌庶且屢

不效謂不出費而後有同土其事歸

不效謂不出費而後有同土其事歸

唾賊面賊猶不忍殺謂桓

曰汝但一揖亦怒汝死桓

頃目曰吾恨不能手斬送

旨肯聽法誘脅而折腰哉

賊知終不可屈遂刺之年

四十八賊後語人曰張御

史真鐵漢害之可惜事聞

贈禮部尚書蓋忠潔

李黼字子威穎人也工部

尚書守中之子守中性亦

急遇諸子極嚴每一飲酒

輒半月醉不解黼百計承

順求寧親心終不可得跪

而自訟往往連日無幾微

厭怠之意初補國學生泰

定四年遂以明經魁多士

授翰林修撰明年代祠西

獄省臣謂黼曰教後每後

我余可易邪黼曰王人雖

微春秋序於諸侯之上尊

君也奈何後乎省臣不敢

對改河南行省樞拔官遷

禮部主事拜監察御史首

言禴祠烝嘗古今大祭今

太廟唯二祭而日享佛祠

神御非禮也宜據經行之

成均教化之基不當隸集

賢且屬省臣兼領諸侯王

歲賜有定額分封易代之

際陳請恩例世之臧否無

成書可攷宜做先代脩正

玉牒皆不報轉江西行省

郎中入爲國子監丞遷宣

文閣監書博士兼經筵官

數與勸講每以聖賢心法

爲帝言之俄中書命黼巡

視河渠黼上言曰蔡河源

出京西宋以轉輸之故平

地作堤今河底填淤高出

地面秋霖一至橫潰爲災

宜按故迹修浚他日東河或有不測之阻江淮運物當由此分道達京萬世之利也亦不報并秘書太監拜禮部侍郎奉旨詳定中外所上封事已而廷議內外官通調授黼江州路總管至正十一年夏五月起河南北據徐蔡南陷蘄黃焚掠數千里造柵北岸銳意南攻九江居下流實江東西襟喉之地黼治城壕修器械募丁壯分守要害且上攻守之策於江西行省請兵屯江北以扼賊衝庶幾大江之險賊不得共之不報黼嘆曰吾不知死所矣乃獨椎牛饗士激忠義以作士氣數日之間紀綱粗立十二年正月己未賊渡江陷武昌威順王及省臣相繼遁無艦蔽而下江西大震賊乘勝破瑞昌右丞孛羅帖木兒方軍于江聞之遁黼雖孤立辭氣愈奮厲時黃梅縣主簿也孫帖木兒願出擊賊黼大喜向天瀝酒與之誓言始脫口賊游兵已至境急檄諸鄉落聚木石於險塞處逼賊歸路倉卒無號乃墨士卒面統之出戰賊身先士卒大呼陷陣也孫帖木兒繼進賊大敗逐北六十里鄉丁依險阻乘高下木石橫屍蔽路殺獲二萬餘黼還謂左右曰賊不利於陸必由水道以舟楫我乃失倍禦吾屬無噍類矣乃以長木數千冒鐵椎

三

於杪暗植公岸水中逆刺賊舟謂之七星椿會西白
風急賊舟激千果揚帆順流鼓譟而至舟遇椿不
動進退無措黼帥將士奮擊發火翎箭射之焚溺
者無算餘舟散走行省上黼功請拜江西行省參
行江州南康等路軍民都總管便宜行事已而賊
更熾西自荆湖東際淮甸守臣往往棄城遁黼守
城提屨旅斬馘扶傷無日不戰中外援絕二月甲申
賊將薄城分省平章政事禿堅不花自北門遁黼引
兵登陴布戰具賊已至甘棠湖焚西門乃張弩箭射
之賊趨趨未敢進轉攻東門黼救東門賊已入與之

巷單矢力不敵揮劍叱賊曰殺我毋殺百姓賊自

背來刺黼墮馬黼與從子秉昭俱為賊而郡民

黼死哭聲震天相率具棺葬于東門外黼

政之命始下年五十五黼兄冕居穎亦死于賊

冕季子也事聞贈黼摠忠義效節功臣資德大夫

淮南江北等處行中書省左丞上護軍追封隴西郡

公謚忠文詔立廟江州賜額曰崇烈宮其子東方集

賢待制

李齊字公平廣平人家甚貧客於江南工辭章元統

元年進士第一歷僉河南淮西廉訪司事移知高郵

府有政聲至正十年盜突入府驛取十二馬去齊躬
追謝長等殺之十一年州人秦觀保造兵仗將圖劫
掠復獲而行誅十三年泰州白駒場亭民張士誠爲
亂破泰州河南行省遣齊往招降被拘久之賊酋自
相殺始縱齊來歸泰州平賊徒尚蓋聚士誠復欲
殺參知政事趙璉掠官庫民財走入得濟湖俄陷
化縣行省以左丞僕哲薦偕宗王鎮高郵使齊出守
暨社湖夏五月乙未數賊入城一譟呼而省憲官皆
遁齊急還救城賊已閉門拒我遂連與化接得勝湖
舟艦四塞嘉延入寶應縣已而有詔凡叛逆者赦之
詔至高郵不得入賊給曰請李知府來乃受命行
強齊往至則下齊獄中齊益辯說士誠本無降意特
遷延爲繕飭計耳官軍謀知之乃進攻城士誠呼齊
使跪齊叱曰吾膝如鐵豈肯爲賊屈士誠怒扼之跪
齊立而詬之乃受倒拖碎其膝而問之論者謂大科
三魁若秦不華沒海上李黼隕九江泊齊之死皆不
負所學云

初不華字君實隰州石樓人沉默有器局泰定初補
中端司譯史授海道副千戶轉嘉興路治中連拜南
臺口臺監察御史遷河西道廉訪僉事移淮東未幾

憲副使汝頴盜發勢張甚不華行都至淮安極力為
 守禦計賊至多所斬獲且請知樞密院老童判官劉
 甲守韓信城相犄角為聲援復上章劾總兵及諸將
 違撓之罪朝廷錄其功陞甲為使階中奉大夫甲有
 智勇與賊戰輒勝賊憚之誦曰劉鐵頭不華頴頭之
 總兵者聞不華効已益恚甲乃檄甲別將兵擊賊冀
 以困不華甲去韓信城陷賊乃掘塹相衛捷水寨以
 固我既而天長青軍叛普頴帖木爾所統黃軍復叛
 賊皆挾之來攻不華知事危退入喀刺章營賊稍引
 去乃出掘楊村橋賊奄至殺廉訪副使不華先已矣
 其死不華以餘兵入淮安時城之東西南三面皆賊

惟北門通沐陽阻亦鯉湖指揮使魏岳揚遷駐兵沐
 陽淮安倚其芻餉而赤鯉湖為賊據沐陽之路又絕
 賊計孤城可取進柵南瑣橋下華與元帥張存義出
 大西門會僉事忽都不花兵突賊柵殊死賊敗走
 追北二十餘里城中食且絕元帥吳德秀運糧萬斛
 入河竟為賊所掠德秀僅以身免賊與青軍夜圍日
 晝急總兵者屯下邳相去五百里按兵不出凡遣使
 告急皆不聽城中餓者仆道上即取突之一
 切草木場蛤魚蛙燕鳥及鞞皮鞍韉草箱敗弓之箭

有盡而後父子夫婦老穉更相食撤屋為薪人多露
處坊陌生荆棘力既盡城陷不華猶援西門力闔中
傷見執為賊所縛少子伴哥冒刃護之亦見殺時至
正十六年十月乙丑也不華守淮安五年殆數十百
戰精忠大節人比之張巡云朝廷聞之贈翰林學士
承旨榮祿大夫柱國追封衛國公謚曰忠肅賻鈔二
百錠以卹其家

郭嘉字元禮濮陽人祖昂父惠俱以戰功顯嘉康
有大志始由國子生登泰定三年進士第授

司都元帥府經歷未幾入為京畿漕運使司副使

拜監察御史會朝廷以海寇起欲於浙東温台慶
八等路立水軍萬戶鎮之衆論紛紛莫定擢嘉禮部
員外郎乘驛至慶元與江浙行省會議可否嘉至首
詢父老知其弗便請罷之會方擇守令綏靖遼東乃
授嘉廣寧路總管兼諸奧魯勸農防禦屬盜起軍旅
數興供餉無虛日民苦和糴轉輸而吏胥得因時為
計嘉設法計其戶口第其甲乙民甚便之有詔團結
義兵嘉招集民數千教以坐作進退萬千百夫各統
以長號令齊一賞罰明信故東方諸郡饑饉之富甲

安之積稱嘉為景十八年寇陷上京嘉聞之躬率義
兵出禦既而遼陽陷嘉將眾巡邏去城十五里遇青
驍隊伍百餘人給言官軍嘉疑其詐俄果脫青衣變
紅嘉出馬射賊分兵兩隊而夾攻之生擒賊數百死
者無算嘉見賊勢日熾孤城無援乃集同官議攻守
之計眾皆失措嘉曰吾計決矣因竭家所有衣服財
物犒義士以勵其勇敢且詢自我祖宗有勲王室今
之盡忠吾分內事也况身守此土當生死以之餘不
足恤矣頃之賊至圍城亘數十里有大呼者曰
我得矣何不出降嘉挽弓射呼者中其左頰墜馬死

賊引退嘉遂開西門逐之賊大至力戰以死事

贈崇化宣力效忠功臣資善大夫河南江北等處行
省左丞上護軍封太原郡公謚忠烈

喜同周姓河西人初為後宮衛士眾稱其才選充承
徽寺經歷再調南陽縣達魯花赤居二歲妖賊起陷
鄧州人情洶洶俄而賊鋒抵南陽南陽無城無兵賊
入之若虛邑喜同以計獲數賊詰之云賊將大至悉
斬之以安眾心晝夜督丁壯巡邏守備時大司農錢
木尔以兵駐于諸葛菴為賊所襲死之賊遂乘銳取
南陽喜同守西門望見賊勢盛即以死自許與家

訣曰吾與汝等不能相顧矣但各逃生吾分死此以
報國也巳而城中皆哭喜同策厲義兵奮力與賊搏
賊退去明日復至與戰甚力殺賊凡數百賊知無後
援戰愈急南陽遂陷喜同突圍將自投賊橫刺其馬
馬蹶喜同鞭馬躍而起手斬刺馬者俄而爲他賊所
追身被數創不能鬪遂見執爲所殺妻邢氏聞喜同
力戰死帥家僅數人出走遇賊奪賊刀斫之且罵且
前亦見殺一家死者二十餘人贈南陽路判官時襄
陽錄事司達魯花赤塔不台字彥暉者元統元年進
士魏王軍汝亳塔不台乘供餉王嗜酒輕戰備一夕賊

王

未能起爲所執塔不台馳騎奪王亦爲賊

所得

明見賊酋王拜乞活塔不台以足蹴王曰猶

欲生乎賊復屈其拜塔不台拒而詬之且與縛者角

遂支解

韓因字可宗汴梁人少習舉子業負氣不群盜據汝
寧宮軍討之久不下會朝廷詔赦叛逆募可符詔入
賊者即信以官因應命乃借因以唐州判官使焉賊
渠恐其黨心搖導因止于外納詔不讀詰問再三因
答以恩宥寬大禍福所係甚切不聽乃縱因歸妻因
出乘馬周賊屯大言曰汝輩好百姓何不出降歸田

里而甘從逆賊驅使耶衆愕治相顧或以告賊渠渠
追因責其所言因極口肆詈賊怒寸剖因
卞琛大名人世爲農夫早游學京師得橋國子生既
而下母憂治農于家至正十二年鄰郡盜起未幾來
剽掠琛與從子小十府吏李仲亨等協謀統丁壯數
百人擊賊丁壯皆民兵無弓矢之備直以鉤鋌白鎗
當賊賊矢雨集琛衆潰散被擒仲亨小十皆死賊素
知琛諭之曰汝從我解汝縛不從殺汝琛噉罵曰我
國子生也視汝逆賊真狗彘也吾寧義死不從賊生
罵不止賊屢脅不聽殺之

喬彛字仲常晉寧人性高介有守一時名稱籍甚至
正十八年賊由絳州垣曲縣襲晉寧城陷城中死者
十二三彛整冠衣聚妻子家有大井彛坐井上令妻
子婢輩循次投井中而已隨赴之彛既死賊首王士
誠使人即彛家邀致之至則彛已死矣賊平朝廷贈
彛臨汾縣尹賜謚純潔有張嵩起王佐者皆士人也
並以不屈賊而死嵩起字傳霖汾州人累舉不中嘗
用薦者繼爲國子助教居一歲免歸盜既去晉寧復
陷汾州嵩起與妻赴井死王佐字元輔晉寧人從父
居上都教授里巷不與時俯仰會賊至倉卒不能避

爲所獲欲降之佐散岸自如諾賊不繫因見害又有
吳德新者字止善建昌人工醫留京師久之嘗往寧
夏會盜至德新見執脅使降德新厲聲曰我生爲皇
元人死作皇元鬼誓不從尔賊賊乃縛其兩手加白
刃頸上迫其畏屈德新罵不已乃曳之井上陽欲擠
之德新偶得寬即自投井中仰罵賊賊下射矢貫其
頂罵益力賊怒以長槍刺之然亦壯其志憐其死曰
此真丈夫也以土埋井而去

顏瑜字德潤兗州曲阜人充國復聖公五十七代孫
也以行誼用舉者爲鄒及陽曲兩縣教諭至正十八

年田豐起山東瑜携家走鄆城道遇賊以刃來脇瑜
曰爾何人瑜曰我東魯書生也賊執瑜曰爾書生吾
不爾殺可從我見主帥瑜罵曰爾賊何主帥邪賊怒
欲殺瑜瑜無懼色復使之寫旗瑜大詬曰爾大元百
姓天下亂募爾爲兵而反爲叛逆我腕可斷豈能爲
爾寫旗從逆乎賊以鎗刺瑜至死罵不絕口其妻子
皆爲所害又有曹彥可者亳州人會妖寇起里中多
田野無賴子目不知書者旣破毫揭帛干竿皆羣趨
彥可家劫之使寫旗彥可力辭乃迫以刀斧彥可唾
之曰我儒者知有君父寧死耳豈爲汝寫旗者耶賊

怒遂見害年七十矣其家素貧又死於亂藁殯其屍
賊既定有司具以事聞中書爲給貲以葬賜謚節愍
王士元字堯佐恩州人泰定四年進士由棣州叛官
累遷知磁州值軍興餽餉需素日繁民不堪命士元
心念其民力爲區畫至爲將士凌辱訶責弗避也改
知濬州州濱黃河嘗經盜賊劫掠不完市井空荒士
元邑邑不得志而臨事未嘗易其素至正十七年賊
復迫濬州州兵悉潰散士元坐堂上顧其子致微使
避賊曰吾守臣居此職也若可逃生子侍立不忍去
賊前問曰爾爲誰士元叱曰我王知州也強賊識

否賊欲縛士元士元奮拳毆賊賊怒并其子殺之

楊樸字文素河南人早以文學得推擇爲吏仕至滁

州全椒縣尹滁界廬江廬江陷於寇滁人震動行省

叅政也先總兵于滁不理軍事唯縱飲至暮城門不

鑰寇入縱火猶張燭揮杯急踰城出走樸度必死乃

盡殺其妻女朝服坐堂上盜欲降之樸指妻女示曰

我已戕我屬政欲死官守耳尚何云云乃連唾之賊

繫樸倒懸樹上而割其肉至盡猶大罵弗絕

趙璉字伯器宏偉之孫也至治元年登進士第授嵩

州判官再調汴梁路祥符縣尹入爲國子助教累遷

湖廣行省左右司郎中除杭州路總管杭於東南為
劇郡地大民夥長吏多不稱其職璉為人強毅剛敏
精力絕人吏莫不服其明決而不敢欺浙右病於徭
役民充坊里正者皆破其家朝廷令行省召八郡守
議便民之法璉獻議以屬縣坊正為雇役里正用
田賦以均之民咸以為便有盜誘其同惡持刃出市
研人以索金市民乃戶歛以予之人無敢言者璉曰
此不可長也遣卒掩捕之盡戮諸市踰年召拜吏部
侍郎杭人思之刻其政績于 歷中書左司郎中除
禮部尚書尋遷戶部拜參 中書省事出為山北遼

東道廉訪使是時河南兵起湖廣荆襄皆陷而兩淮
亦騷動朝廷乃析河南地立淮南江北行省于揚州
以璉參知政事璉方病水腫即興疾而行既至分省
鎮淮安又移鎮真州會張士誠為亂突起海濱陷秦
州興化行省遣兵討之不克乃命高郵知府李齊往
招諭之士誠因請降行省授以民職且乞從征討以
自効遂移璉鎮泰州璉乃趣士誠治戈船趨濠泗士
誠疑憚不肯發又覘知璉無備遂復反夜四鼓縱火
登城璉力疾捫佩刀上馬與賊鬪市衢賊圍璉邀至
其無璉詰之曰汝輩罪在不赦今既宥尔誅戮又錫

以名爵朝廷何負於汝乃既降復反邪汝棄信逆天
滅不旋踵我執政大臣豈爲汝賊輩屈乎即馳騎奮
擊賊賊以槩撞連墜地欲昇登其舟連瞑目大罵遂
死之其僕揚兒以身蔽連亦俱死及亂定州民收其
屍歸殯于真州事聞賜鈔三百錠仍官其子銜弟琬
字仲德仕至台州路總管至正二十七年方國瑛以
舟挾琬至黃巖琬潛登白龍輿舍於民家絕粒不食
人勸之食輒瞑目卻之七日而死

孫撫字自謙曹州人至正二年進士授濟寧路錄事
張士誠據高郵叛或謂其有降意朝廷擇烏馬兒爲

使招諭士誠而用撫爲輔行撫家居不知也中書遣
撫集賢待制給驛就其家起之撫強行抵高郵士誠
不迓詔使撫等既入城反覆開諭士誠等皆竦然以
聽已而拘之他室或日一饋食或間日一饋食欲以
降撫撫唯詬斥而已乃令其黨捶撫肆其陵辱撫不
屈也及士誠徙平江撫與士誠部將張茂先謀將撫
所授站馬劄子遣壯士浦四許誠赴鎮南王府約日
進兵復高郵謀泄執撫訊問撫罵聲不絕竟爲所害
後賊中見失節者輒自相嗤曰此豈孫待制耶事聞
贈翰林侍讀學士中奉大夫護軍追封曹南郡公謚

忠烈歸田三項恤其家

石普字元周徐州人至正五年進士授國史院編修
官改經正監經歷淮東西盜起朝廷方用兵普以將
略稱同僉樞密院事董鑰嘗薰其材會丞相脫脫討
徐州以普從行徐平錄功遷兵部主事尋陞樞密院
都事從樞密院官守淮安時張士誠據高郵普詣丞
相面陳破賊之策且曰高郵負重湖之險地皆沮洳
騎兵卒莫能前與普步兵三萬保取之高郵既平則
濠泗易破普請先驅為天下忠義倡丞相壯之命權
山東義兵萬戶府事招民義萬人以行而汝中相者

方用重陰注之滅其軍半初令普便宜行事及行又
使聽淮南行省節制普行次范水塔日未夕普令軍
中具食夜漏三刻下令銜枚趨寶應其營中更鼓如
平時抵縣即登城樹幟城上賊大驚潰因撫安其民
由是諸將疾普功水陸進兵乘勝拔十餘砦斬賊數
百將抵高郵城分兵三隊一趨城東備水戰一為奇
兵虞後一普自將攻北門遇賊與戰賊不能支遁入
城普先士卒躡之縱火燒關門賊懸謀棄城走而援
軍望之按不進且忌普成功總兵者遣蒙古軍千騎
突出普軍前欲收先入之功而賊以死扞蒙古軍恒

忙即回普止之不可遂為賊所蹂踐率墜水中普
軍亂賊乘之普勒餘兵血戰良久仗劍大呼曰大丈夫
嘗為國死死而不進前者斬奮擊直入賊陣中從者
僅三十人至日西援絕被劊墮馬復步戰數合賊益
至賊指曰此必頭目不可使逸須生致之普叱曰死
賊奴我即石都事何云頭目左脅為賊鎗所中猶手
握其鎗斫賊死賊眾攢鎗以刺普普與從者皆力戰
俱死之

盛昭字克明歸德人由儒學官累遷淮南行省照磨
會詔使往高郵不得達而還謬稱賊已迎拜但乞名
爵耳行省不虞其欺乃遣昭入高郵授所與士誠官
士誠拒不聽拘諸舟中昭語所從吏曰吾之止此有
死而已既而官軍逼高郵士誠授昭以兵使出拒官
軍昭叱曰吾奉命招諭汝汝拘留詔使罪不容斬又
欲吾從汝為賊耶大罵不絕口賊怒先剗其臂肉而
後磔之

楊乘字文載濱州渤海人至正初為介休縣尹民饑
乘為盜乘立法拊之便自新皆棄兵頓首願為良民
其後累官江浙行省左右司員外郎坐海寇掠漕糧
舟免官寓居松江張士誠入平江其徒郭良弼董綬

言乘于士誠士誠遣張經招乘乘曰良弼緩皆名臣
今已失節顧欲引我以濟其惡邪且讓經平日讀書
云何經俛首不能對乘曰與客痛飲竟日不言客問盍
行乎乘曰乘以一小吏致身顯官有死而已尚何行
之有經促其行愈急乘乃整衣冠自經死年六十四
納遠刺丁字士瞻其父馬合木從征襄陽以勞擢濬
州達魯花赤因家大名納遠刺丁起身鄉貢進士補
淮東廉訪司書吏丁毋憂服闋補兩浙鹽運司掾復
辟掾淮東宣慰司至正十年賊發真州納遠刺丁以
民兵往襲之獲賊四十二人已而泰州賊大起鎮南

王府宣慰司請參議軍事納遠刺丁建議築四城立
外寨捷堤穿河募兵與賊抗行省檄其提戰艦六十
海舟十四上下巡捕以固江而且護蒙古軍五百往
江寧道遇賊斬擊二百餘級生獲十八人遂抵龍潭
而還未幾出邏江上賊突至馳船來朝納遠刺丁手
射死二十賊奪其放火小船二百賊因遁走賊復據龍
潭口又擊走之追斬三百餘級其子寶童擒首賊陳
亞虎等及其踣旗捷聞賞資良渥且召納遠刺丁還
真州而賊犯蕪湖南行臺檄使來援乃以兵赴及至
賊船屯薄岸遂三分戰艦縱擊之賊奔潰俘斬甚衆

賊不得渡江者多納遠刺之之功也。因留守蕪湖江
中泰州李三起行省移之捍高郵得勝湖賊船七十
餘艘乘風而來即前擊之焚其二十餘船賊潰去李
三失援遂降其黨張士誠殺李三復為亂賊叅政趙璉
入擾興化而水陸襲高郵屯兵東門納遠刺丁以舟
師會諸軍討之距三梁鎮賊眾卒至納遠刺丁麾兵
控其前賊鼓譟而前乃發火箭火鏃射之死者蔽
流而下賊縛船於背盡力來攻而阿遠衛軍及真滁
萬安府等官見賊勢熾皆遁走納遠刺丁與必死謂其
三寶童海魯西山驢曰汝輩可謂之寶童等不

